



Namba 1929

Ogas 11 - 17, 2011

Niuspepa Bilong Yumi OI PNG Stret!

K1 tasol



**10t** per sms Citifon to Digicel or Be Mobile Rates Enjoy straight rates with Citifon

**39t** call/min Say YELLO with... citifon Service is available in all major centres across the country

**1t** sms Citifon to Citifon rates ALL DAY ALL NIGHT

**2t** call/min

Call Customer Care 345 6789 | produced by TELECOM PNG

**Gavman go  
het long  
bungim  
mani bilong  
strongim  
sevis**

Neville Choi i raitim

NUPELA gavman bilong Praim Minista Peter O'Neill i makim pinis kos bilong winim bilip bilong pipel na strongim sindaun bilong en insait long 2012 nesenel jeneral ileksen.

Em i mekim dispela wantaim toksave olsem ol bai pamim moa mani i go bek long strongim bek ol bikpela publik sevis olsem helt na edukesen.

Namba wan wok Praim Minista O'Neill i tokaut long en, em salim bilong eksekutiv jet balus bilong gavman.

Em i tok dispela balus em i wok kaikaim K120 milian long baim, na i save kaikaim K22 milian olgeta yia long lukau-tim. Dispela mani, em i tok, gavman bai kisim bek na suvimi i go long helt na edukesen.



## Pulim bek mani nau!

YUMI GO NAU: Praim Minista Peter O'Neill na Fainens na Tresari Minista Don Polye i sekhan long Gavman Haus las wik Fraide. Ol i kirapim pinis wok bilong daunim kostim bilong mani gavman i save yusim, na redi long pait na rausim pasin korapsen.

Foto: Nicky Bernard

Taim palamen i bung gen long Tunde dispela wik, Praim Minista O'Neill i go het long toksave long sampela bikpela wok i go het gavman i laikim.


Em i toksave long palamen i givim luksave long stretim loa i bosim ol namba na sindaun bilong ol open ilektoret; na tu, lukluk long ol sia bilong ol

meri i stap insait long ilek-sen na gavman sistem.

Kamap bilong tupela nupela ilektoret, na sindaun bilong moa meri insait long wok memba em

tupela samting bipo gav-man i no oraitim.

**Moa stori  
long pes 3**



Regista nau  
**Presim \*888#**

- . Putim moni o rausim moni
- . Salim moni
- . Baim easiPay
- . Baim Top Ap o salim Top Ap
- . Baim Digicel fon bill bilong yu

Salim Moni • Top Ap • Baim Bills

Ringin 120 long klim moa tok illa  
www.digicelpng.com |

Digicel

- Lukim ol nupela minista bilong kantri – PES 2
- ‘Noken tok giaman,’ Kidu tokim gavman - PES 3
- Gavman laik strongim liklik bisnismanmeri – PES 3

**SAPPHIRE SPRINGS**  
Naturally refreshing Mountain Spring Water at an affordable price!  
330MLS, 600MLS & 1500MLS

**Spring Wara eong Maunten Street!**

# Nupela gavman no westim taim

Neville Choi i raitim

**BIHAIN long ol i pulim ol namba i go long sait bilong ol, senisim gavman long floa bilong palamen, na makim ol nupela minista, gavman i no malolo long kirapim wok.**

Insait long 33-membra kabinet bilong nupela gavman, piksa i soim olsem i gat olpela tingting bilong strongim i go moa yet, na i gat nupela ol tingting i kamap bihainim laik bilong kantri.

## Rausim Autkam Bes Edukesen (OBE) sistem

Namba wan nupela minista bilong givim toksave long senis, em Edukesen Minista Theodore Zurenouc.

Em i laik rausim Autkam Bes Edukesen (OBE) sistem bilong skulim ol yangpela long kantri.

OBE, em i wanpela edukesen sistem we olpela gavman i bin sanapim bihainim stia olsem em i bin gutpela sistem long Australia na ol arapela kantri.

Tasol long PNG yet, i gat planti belhevi long dispela sistem. Moa yet long ol skul na edukesen sevis long ol busples eria.

## Daunim kos bilong gavman

Ol i tok bai ol i salim Falcon jet balus olpela gavman i baim long K120 milian, na i save tromoi K22 milian ol-

geta yia long en. Praim Minista O'Neill i tokaut olsem i mobeta long dispela mani i go long strongim edukesen na helt sevis.

Narapela rot long daunim kos bilong gavman, em long skelim ol raun bilong ol minista na hetmanmeri bilong ol gavman opis na dipatmen. Olgeta mani bilong wok raun bilong ol minista nau bai mas bihainim skelim bilong Opis bilong Ministerial Sevises.

## Strongim bek pablik sevis

"Mipela bai strongim bek olgeta gavman opis we i pundaun pinis na i no moa gat inap luksave long gavman. Mipeal bai strongim bek ol opis olsem Polis Konstabulari, PNG Difens Fos, Koreksenal Sevises na ol arapela gavman dipatmen i holim strong sekyuriti bilong kantri," Mista O'Neill i tokim palamen.

## Rausim pasin korapsen

### long gavman

Fainens na Tresari Minista Don Polye i go pas long tokaut stret long stori bilong K125 milian dinau memba bilong Kokopo, Patrick Tammur i kisim long NASFUND na gavman. Mista Polye i tokaut stret olsem dispela skelim bilong mani i no bin bihainim stretpela rot, na moa wok painimaut bai go het aninit long stia bilong Indipenden Komisin Agensim Korapsen.

## Komyuniti kolisen agensim korapsen laikim gutpela bel na luksave long gavman

**KOMYUNITI** Kolisen Agensim Korapsen (CCAC), em ol lain grup i save bung wantaim long tok pait agensim pasin korapsen, i singaut strong moa long wan wan lida insait long gavman long mekim wok bihainim stret-pela pasin, na gutpela bel na tingting.

Makim ol Katolik Bisops Konprens, Pablik Employees Assosiesen na Tred Yunion Kongres, Ombudsman Komisen, na Transparensi Intanesenel PNG, ol mausman bilong CCAC i tok kantri i stap nau long sindaun i no stret gut yet, na i gat sans dispela i ken go bagarap

moa, sapos ol lida i no mekim samting stret.

Ol i tok nau em i taim bilong wan wan manmeri i holim wok lida long pablik sevis na pravet sekta wantaim, long bihainim stretpela pasin, gutpela pasin, na wantaim gutpela bel, mekim wok bilong givim sevis.

Ol i autim tingting bihainim ol sut tok olsem wanpela militari o ami ku i laik kamap long Tunde taim Palamen i bung.

Komisina bilong Polis Tony Wagambie, na Minista bilong Intenal Sekyuriti, John Boito i bin rausim ol dispela tokwin pinis.

## Sir J na Nu Ailan bosim maining nau

Neville Choi i raitim

EM i no bin kisim wok praim minista, tasol nau, Gavana bilong Nu Ailan, Sir Julius Chan, i wanel tasol long tupela open memba bilong Nu Ailan i kisim wok minista.

Membu bilong Na-

matanai, Byron Chan, na Memba bilong Kavieng Open, Martin Aini i holim Maining na Leba na Industrial Rilesens.

Bihain long em i winim bek sia bilong Gavana bilong Nu Ailan, Sir Julius i wok long pait strong long kisim ol winmani bilong

Lihir Gol Main long nesenel gavman.

Narapela bikpela pait Nu Ailan gavman i gat long ol maining projek long provins, em Solwara projek we Nautilus Minerals i go pas long en.

Nau we Nu Ailan i bosim ministri bilong

maining, i gat bikpela bilip long provins na long Waigani yet, olsem dispela bai lukim planti senis i kamap long givim moa luksave long ol papagraun, na tu, long sait bilong lukautim busgraun, na wara.

## Ol Nupela Minista



Peter O'Neill  
Praim Minista



Belden Namah  
Deputi Praim Minista Fores na Klaimet Senis



Don Polye  
Finance/  
Treasury



Bart Philemon  
Pablik Sevis



Sam Basil  
Nesenel Plening



William Duma  
Petroleum na Eneji



Ken Fairweather  
Hausing na Eben  
Developmen



Charles Abel  
Treid Komes na  
Industri




David Arore  
Haia Edukesen,  
Rises,Saiens na  
Teknoloji



Dr. Allan Marat  
Jastis na Atoni  
jenerel



Guma Wau  
Defens



Andrew Mald  
Komyuniti Developmen  
Relijin na Famili Afes



Theodore Zurenouc  
Edukesen



Sir Puka Temu  
Agrikalsa na  
Laipstok



Benjamin Philip  
Tursim, Ats na  
Kalsa



Ano Pala  
Foren Afeas na  
Maigresen



Martin Aini  
Leba na Industriel  
Rilesen



Jamie Maxtone -  
Graham  
Helt na HIV AIDS



John Boito  
Intenal Sekuriti



John Pomat  
Fiseris



Sai Beseo  
Koreksenal Sevises



Mark Maipakai  
Inta Gavman Rilesen  
na Distrik  
Development



Francis Awesa  
Transpot



Moses Maladina  
Inplimentesen na  
Rurel Development



Steven Pirika  
Bogenvil Afeas



Lucas Dekena  
Lens na Pisical  
plening



Puri Ruing  
Sivil Aviesen



Waka Goi  
Halivim Praim  
Minista long ol  
Konstitusen wok



GAVMAN NAU: Ol bipo memba bilong palamen oposisen nau i stap stiaim gavman: Bart Philemon (Pablik Sevis), Se Mekere Morauta (Stet Entrepraises); Dokta Puka Temu (Agrikalsa na Laipstok); Sam Basil (Nesenel Plening) na Francis Awesa (Transpot na Woks). Poto: Nicky Bernard

# Pulim mani bek nau!

## I kam pes 1

Insait long namba wan toktok bilong em long kantri, Mista O'Neill i givim wanpela eksen plen i lukluk long:

■ Kamapim Fri Edukesen i go inap Gret 10, na sabsidaisim ol skul fi long Gret 11 i go inap yunivesiti aninit long 2012 Nesenel Baset;

■ Pinisim ol bikpela impek projek bilong strongim bek olgeta edukesen na helt opis na kamapim wanpela nesenel medikal saplaibes;

■ Strongim bek Okuk, Buluminski na Lae-Madang Haiwe, na pinisim Trans Nu Briten Haiwe na Galp-Sauten Hailans Haiwe bilong bungim olgeta kona bilong kantri.

Narapela bikpela samting gavman i autim, em tok klia bihainim wanpela wok painimaut i go insait long skelim bilong K125 milian i go long Kokopo distrik, aninit long wanpela tok wanbel wantaim suparenuesen fan, NAS-FUND.

Minista bilong Fainens na Tresari, Don Polye, i bin tokaut long stori baksait long dispela mani skelim.

Tasol Mista O'Neill i no lus tingting long ol bikpela bisnis i kam developim risos bilong kantri.

"Gavman bilong mi bai givim bikpela luksave long hariapim ol maining projek i stap pinis. Dispela em Yandera na Frieda Riva gol na kopa projek. Wankain luksave bai stap long ExxonMobil PNG LNG projek. Dispela ol projek em ol multi bilian dola wok bisnis, na ol bai strongim winmaniron bilong kantri long krapim developmen long bihain taim."

# Gavman laik strongim ol asples bisnis

## Rural Developmen Benk bai kamap komesal benk

**Neville Choi i raitim**

**OL ASPLES bisnismameri long kantri i ken amamas olsem nupela gavman i luksave long ol.**

Praim Minista Peter O'Neill i tok makim wanpela bikpela wok gavman i go het long

en, em long senisim Rural Developmen Benk na givim laisens long en long wok olsem wanpela komesal benk.

Sapos RDB i kisim dispela laisens na senisim wok pasin bilong en, em bai inap givim ol dinau long ol asples PNG

bisnismameri.

"Long strongim na developmen ol asples bisnis, gavman bilong mi bai givim Rural Developmen Benk long ful komesal benk stetus pastaim long dispela yia i pinis. Em nau bai Rural Developmen Benk i ken givim ol bis-

nis developmen loun o dinau long ol liklik PNG manmeri we intares o winman long bekim bai no inap antap tumas," Mista O'Neill i tok.

Dispela toksave bilong praim minista i bihainim tingting bilong em taim em i bin kisim wok minista bilong

fainens na tresari long olpela gavman. Wanpela bikpela kibung bilong ol asples PNG bisnis, we i bin kamap long Kokopo sampela mun i go pinis, i bungim tingting na askim bilong planti bisnis manmeri long moa halivim i mas kam long gavman.



Dem Carol Kidu

## 'Noken tok giaman,' Kidu tokim gavman

**Neville Choi i raitim**

**MEMBA bilong Mosbi Saut, na bipo Komyuniti Developmen minista, Dem Carol Kidu, i givim tok lukaut long Praim Minista Peter O'Neill, long em i noken giamanim ol pipel long ol wok em i laik karima.**

Dem Carol i tok i gat sampela gutpela toktok praim minista i givim we pipel bai amamas long en, tasol wanwan long ol dispela tok promis, i mas karim kaikai insait long sotpela taim nupela gavman i gat long mekim wok.

"Kantri nau i lukim pipel i no

sindaun gut, na ol i laikim planti samting. Askim bilong mi long gavman, em ol i noken belkirap long ol gutpela na switpela toktok, na i nogat wok i bihainim," Dem Carol i tok.

Namba wan bikpela tok piksa em i givim, em long toksave bilong Mista O'Neill olsem nupela gavman bai inapim fri edukesen i go inap long gret 10, na sabsidais skul fi bilong ol sumatin i skul i go inap long yunivesiti.

Dem Carol i tok em i wanpela tisa, na em i save olsem gavman i ken givim fri edukesen long kantri, tasol em i mas strongim tu

## Spesol loa man bai gat pawa bilong sasim

**Neville Choi i raitim**

**LONG soim bikpela tingting bilong O'Neill gavman long paitim na rausim korapsen insait long publik sevis na bisnis long kantri, bai ol i makim wanpela spesol prosekuta bilong mekim wok painim, sasim na salim ol stilmanmeri na kompani i go kalabus.**

Mista O'Neill i tokaut olsem gavman bai makim dispela loa man husat bai wokbung wantaim Nesenel Anti-Korapsen Atoriti, Ombudsman Komisen, Palamenteer Pablik Akauns Komiti,

Polis Frod Investigesen Yunit, Polis Kriminal Investigesen Divisen.

Em i tok sapos i gat wanpela man o meri, o bisnis i stilim mani bilong pipel na gavman, bai dispela spesol prosekuta i ken holim na sasim ol.

"Ol mekimsave dispela gavman bai givim, em bai bihainim Publik Fainensal Menesmen Ekt bilong ol hait na stil pasin agensim gavman. Bai mipela i kisim bek wanem samting ol i gat long kisim bek manimak ol i stilim, na tu, bai ol i ken go kal-

abus.

"Long strongim dispela tingting bilong gavman, mipela bai kamapim Indipenden Komisen Agensim Korapsen Bil olsem wanpela namba wan samting long sanapim Indipenden Komisen Agensim Korapsen (ICAC).

"Pawa bilong ICAC bai abrusim banis bilong Lidasip Koud. Em bai karamapim tu ol publik na pravet sekta. Mipela bai glasim olgeta stilman, maski ol i stap long gavman, o i no holim publik opis," O'Neill i tok.



**TUPELA de ekspo bilong IT na Komyunikesen i bin kamap long Indoor Stadium long Pot Mosbi long Fraide na Sarere. PNG Time em kampani i go pas long dispela so we, as tingting bilong dispela em long kisim ol kompani kam aut na soim wanem kain samting ol i salim long sait bilong kompyuta, komyunikesen ATM na sampela moa. Moa long 20-pela kampani bin go stap long dispela ekspo olsem, Daltron, Data Net, Conxions, NICTA, Telikom na sampela moa. Long piksa, laisen opisa bilong Nesinel Infomesen Kominikesen Teknoloji Atoroti, Nivot Changei, i soim ol samting NICTA save givim ol kompani long yusim. NICTA em kampani i save givim laisens long ol bisnis lain husat laik yusim ICT long kantri.**

*Stori na Poto: Nicky Bernard.*

# KIKSTATIM DEI WANTAIM





# Em nau, i nogat moa

**EM NAU, olgeta wok bi-long hait pasin, mekim ol hait dil, na stil nabaut.**

Orait, mipela i painim olsem Nesenel Alaiens pati i silip long baksait bilong em olsem wanelala trausel i tanim tanim long nambis. Na husat i asua? Asua i stap long yupela yet, na i no Oposisen o ol minista na gavman bekbensa i kalap i go long oposisen.

Tru tumas, Oposisen i lap i stap.

Tasol taim yu lukluk long bikpela piksa, Oposisen i no win long strong bilong em yet. Nogat. Oposisen i win bihainim asua bilong Nesenel Alaiens Pati.

Olsem na Nesenel Alaiens yet i asua na nau em i pundaun.

Na long Sir Arnold long kamaut na tokim midia olsem lain bilong em i stap yet long gavman, em i wan-pela krangi tok tru.

Peter O'Neill i mekim tok promis pinis olsem PM, na Belden Namah em i Deputi, olsem na kantri i ken muv i go het long redi bilong nesenel ileksen, na i no bilong wetim Nesenel Alaiens Pati long skelim tingting sapos i gat man i stap long opis bi-long PM o nogat.

Yu traum tingim Sir Arnold i tok olsem i nogat spes long opis bilong PM. Yu mas paul tru, Sir Arnold. Sir Michael i stap yet long haus sik long Singapo, na Sam Abal em i ekting long dispela posisen, olsem na watpo yu tok olsem i gat man i wok PM yet? I gat spes pinis, na i bin gat spes bihain tasol long Chief i lusim opis long go slip long haus sik.

Sapos Chief i no risain o lusim wok yet, em i no wan-pela samting.

Sindaun long helt bilong Chief, na tu, famili bilong em yet i tokaut pinis olsem Chief bai no inap kam bek long politiks, watpo na Sir Arnold i strong yet olsem i nogat vekensi o spes i stap long wok PM?

Mipela olgeta i save olsem i gat spes i stap. Tasol nau, i gat man i stap pinis long en.

Maski gutpela o nogut, ol pipel bilong dispela kantri nau i ken pulim gut win na go het long laip bilong ol. Ol lain aninit long gavman bi-long Somare i lusim olgeta lek bilong ol. Samting we ol i asua long en, em taim ol i stap long gavman, ol i wok long abrusim ol pipel na bungim mani bilong ol yet. Lukluk long samting Paul Tiensten na Ruby Zarriga i mekim long 90 de tasol. Ol i tromoi mani long laik.

Sapos Tiensten i bin gat bikpela wari long halivim ol asples bisnisman insait long balus bisnis, orait, watpo em i no givim K10 milian long Robert Agarobe bilong Helifix bihain long em i givim K10 milian long Wartovo husat i save stap long Australia; o moabeta yet, watpo em i no laik givim K10 milian long Air Niugini long baim moa balus long sevisim ol ples olsem Pomio distrik bilong em.

Orait, nau mipela i lukluk long Sir J, husat i gat sans nau long kamapim samting na i no toktok tasol. Nau em i ken go het wantaim ol senis em i laik kirapim long ol loa bilong Maining na Petroleum long givim ol papagraun moa maus long skelim bilong ol winmani i kam long ol wok maining na petroleum.

Namba tu samting, ol Loa i mas senis bai em i klia long hamas i mas go long gavman na hamas i go long ol papagraun. Namba tri, insait long wanem kain tok-pait bilong developim ol risos na makim skel bilong ol projek, luksave i mas stap long strong bilong ekonomi bi-long ol risev i stap pinis long luksave hamas i mas go stret long ol papagraun.

Insait long las 40 krismas, mipela ol Papua Niugini papagraun i no kisim gut luksave. Ol gavman bilong bipo i abrusim mipela taim yumi wok lukim ol gavman minista i kaikai, dring na danis wantaim ol foren kampani eksekutiv husat i wok stilim ol busgraun bilong yumi. Sir J i ken strongim wok bilong rausim provisin bilong Environmental Act



2000 we ol i bin kamapim las yia long givim Dairekta bilong envaironmenawa bilong givim open laisens long wanem maining na petroleum kampani i kam insait long bagarapim graun na solwara bilong yumi.

Mipela i askim tu nupela gavman long rausim ol Maladina Amenmen long mama loa na Lidasip Koud we i slekim strong bilong Ombudsman Komisen na givim gavman na ol dipatmen bosmanmeri pawa bilong paulim pablik mani long laik. Mipela i lukim olsem Maladina nau i stap insait long nupela gavman tu.

Mipela i prea strong olsem em i noken holim wanpela ministri long dispela nupela gavman.

Taim em i stap wantaim Somare, em i soim tru kala bilong em we i antap moa long laik bilong em na luksave em i givim long ol pipel.

Mipela wanpela pipel bi-long kantri i gat planti tausen hauslain na tokples. Na lukluk long yumi yet. Mipela i ron olsem demdem 40 yia pinis. Na insait long dispela 40 yia, mipela i no muv liklik. Em 80-90 pesen long ol pipel bilong yumi i stap long bus yet.

Ol wanpela lain tasol husat i wok long go het em ol politisen na famili na ol wanlain bilong ol. Ol i yusim na bagarapim tru ol liklik manmeri.

Ol dispela wanwan husat i go het long laip, i wok sindaun long mani ol i stilim long kantri. Na planti long ol nau i stap long Australia wantaim ol famili bilong ol. Wanpela samting i sanap klia em olsem ol bel bilong ol dispela lain i no stap hia. Ol i nogat taim bilong pipel. Na bikos ol i no stap wantaim pipel, ol i no save long

laip na hevi bilong ol.

Em nau, olsem wanem bai ol dispela pipel i ken sanap long palamen na tok olsem ol i makim ol pipel, na mekim toktok makim ol? Lidasip Koud i mas gat moa tit. Na ol ilektoral loa bilong yumi mas bihainim wankain rot long kwalifai long kamap kendidet long ileksen. Wan wan kendidet i mas soim olsem em i stap insait long ilektoret inap tripela yia pastaim long em i nominet. I gat sampela memba bilong palamen husat i no save stap long ol asples bilong ol.

Na i gat narapela senis long Lidasip Koud we dispela gavman i mas mekim kamap loa pastaim long ileksen i kamap. Em dispela: We wanpela memba bilong palamen i kisim sut tok long paulim pablik mani long ilektoret bilong em, Lidasip Traibunal i mas go ol yet long sekim ilektoret bi-long em, sapos em i mekim wok long senisim sindaun bilong ol pipel o nogat. Dispela bai opim ai bilong Lidasip Traibunal, bikos ol bai painim olsem memba i no mekim wanpela samting.

Yumi stori long gavman na pasin bilong ol politisen husat i mas makim pablik, na mipela i mas tok olsem i nogat gutpela tokpait namel long pipel, ol lida na ol sios lida na ol bisnis.

Gavman i wok toktok planti long pablik-praivesekta-patnasip, tasol mipela i no harim yet wanpela i toktok long ol liklik manmeri na ol sios lida.

Wanpela kain liklik ples long busples olsem Garaina, Nomads Eria long Westen Provins, o Telefomin long boda bilong Sepik na Tabubil. Insait long ol busples olsem, i nogat han bilong gavman. Ol pipel long kain ples olsem i save tasol long ol sios lida. Ol Kristen sios tasol i save wanem kain hevi i stap long ol dispela kain ples bilong PNG. Wanem taim bai gavman i luksave long wok ol sios i mekim? Na wantaim bai yumi harim ol wokbung namel long gavman na sios?

Mipela i askim dispela nupela gavman long makim wanpela narapela ministri ol bai kolim Ministri bilong Sios na Stet, we wok bilong em bilong wokbung wantaim ol kain kain sios bai ol i ken gat rot long kisim gavman mani na sevis long strongim gutnius wok bilong ol, na sapotim ol long ol wok olsem helt na edukesen. Wankain olsem Divine Word University long Madang na PAU long Mosbi na Luteran Yunivesiti long Lae i mekim.

I gat wanpela bikpela samting we gavman i mas givim luksave long en, na em i wok sios i mekim long kamapim gut wanelan pasin na gutpela pasin.

Taim gavman i bisi wari long mani na samting bilong ol yet, ol sios i wok long opim ai bilong ol pipel long wanpela wol we i winim laik bilong mani na samting. Ol i wok skulim ol pipel bilong yumi long tupela bel na pasin.

Sapos yumi lukluk long wol tude, kain kain birua i wok kamap na daunim ol manmeri bikos long bagarap em i givim long mama graun. I gat bikpela drai na hangere long Afrika, na ol manmeri i dai long bikpela san, na long Amerika, ol bikpela taitwara na guria i wok long kamap.

Em i soim olsem laip nau i gat nupela mining. I olsem yunives yet i kirap nau na autim belkros bilong em long pasin bilong yumi ol manmeri long laikim na bungim samting.

Longpela taim tru man long graun i wok karim hevi bilong pasin gridi na laikim samting. Man i wokabaut i go longwe tru long bilip na gutpela bel na pasin.

Nau 'jasmen de' i wok long kamap long ol lain husat i salim sol bilong ol long kisim mani na moa samting na i daunim ol arapela manmeri.

Nau ol liklik manmeri i rausim sen long lek han bi-long ol na ol i sanap long painim jastis. Na em i kisim stia long han bilong bikman tasol!

# PNGDF na Australia soldia givim medikal helpim



Wapelau Australia soldia and PNG soldia insait long medikal tim i helpim long givim gut long wapelau sikman

Wapelau PNGDF medic i givim ripot bilong wapelau pikini ni long tumbuna meri bilong em



19-PELA soldia bilong PNG Difens Fos i bin karimaut wanpela gutpela trening long sait bilong givim marasin na helpim ol rurel komuniti.

Dispela trening bai i redim ol gut tru long joinim Long Rens Rikonesens Yunit na dispela em praktikol eksesais insait long Kombat mediks kos bilong ol.

Ol i karimaut dispela medikal trening eksesais insait long ol rurel viles we i stap long boda bilong Sentral na Galp provins.

Dispela medikal trening ekse-sais i bin kamap long Julai 30 i go inap Ogas 3, 2011.

Ol dispela soldia bilong PNGDF i kisim trening aninit long lukaut bilong PNGDF medikal ofisa, Sajen Jerry Aihi, Sgt. Alex Oroba, pravet Serah Yonny na pravet Meckthild Matalaharo wantaim tupela medikal ami ofisa bilong Australia Difens Fos.

Ol dispela soldia i wok klostu wantaim Sister Victoria na Sentral District Katolik Helt Sevises, na ol i bin helpim klostu olsem 700 manmeri long Akufa riva eria we i stap not-wes long Bereina long Sentral provins.

Ol soldia i helpim ol rurel helt

wok lain na ron long bot na kanu na tu wokabaut i go long ol viles olsem Inaukina, Malipo, Maipa, Imounga, loi, Piunga na Engafa.

Ol soldia i helpim long putim givim marasin na pasim sua bilong ol lain na tu helpim long kisim rekot bilong ol pikinini em mama i karim. Ol i helpim ol lokal helt wokman meri yusim ol medikal eid pos kit em AusAID i helpim long givim.

Man husat i makim AusAID long Sentral provins, Colin Wiltshire i tok em i amamas long lukim olsem marasin na medikal samting ol i givim em ol helt wokman meri wantaim ol soldia i yusim gut tru long wok bilong en stret.

Warent Ofisa Klas 2 bilong Australia Difens Fos, Dave Turner i tok dispela wok bung namel long PNGDF, distrik gavman na Katolik Helt Sevises i gutpela tru na ol lokal pipel insait long ol rurel viles i amamas tru long en.

Sister Victoria i givim bikpela tok amamas bilong em i go long ol soldia bilong PNGDA na ADF long gutpela wok ol i kamapim insait long ol viles long eria em i save mekim wok long en.

## Passam Nesenel Hai Skul bai pas neks yia

Paul Fuzo i raitim

PASSAM Nesenel Hai Skul long Is Sepik Provins bai no inap kisim ol nupela intek bilong ol sumatin long yia i kam 2012.

Dispela bai givim hat taim tu long ol sumatin husat i mekim gret 11 long dispela yia 2011 long painim spes insait long ol narapela sekenderi skul long provins.

Skul nau i pas long ol gret 11, tasol i holim bek ol gret 12 long pinism ol skul bilong ol long dispela yia, bihain tasol long sampela bikhet sumatin i putim paia we i kukim daun admin blok biling bilong skul.

Asisten Sekretari bilong Jeneral Edukesen Sevises (NCD) Ouka Lavaki i tokim Wantok Niuspepa long Wewak olsem, kalt sistem na prektis insait long Passam Nesenel Hai Skul em i as bilong planti hevi na

bagarap we i wok long kamap insait long skul.

Mista Lavaki, husat i bin lukluk raun long skul las wika na toktok wantaim sampela sumatin, i tok dispela kalt prektis em i olsem wapelau brada hud we i gat ol nems olsem K-paps na K-mums na tu bilip bilong ol sumatin long dispela kalt jeneresin em i strong na hat tumas," Mista Lavaki i tok.

Em i tok i gat planti samting edukesen dipatmen i mas mekim long brukim dispela kalt pasin. Namba wan samting em pasim daun skul inap wapelau yia, tingting bilong pasim skul em long traum katim dispela jeneresin kalt sistem we skul i wok long lainim planti yia i kam pinis, na tu larim wok kamap bilong bildim bek ol biling we i paia na bagarap pinis long em.

Mista Lavaki i tok moa tu olsem, narapela bikpela samting em silek-

sen bilong ol sumatin husat i laik stadi long Passam long 2013 bai strong, ol selekta bai kisim tasol top 5 sumatin husat i soim disiplin na komitten long stadi na tingting strong long skul bilong ol, em i tok.

Mista Lavaki i tok 2013 bai stat wantaim ol top sumatin we ol bai no gat olpela jeneresin sumatin long kisim nem, na dispela bai kilim jeneresin kalt sistem insait long Passam.

Em i tok, strongpela tok lukaut olsem bai nogat spes bilong husat sumatin i laik traum long kirapim gen kalt jeneresin sistem gen long 2013 skul yia bilong Passam bai painim olsem em i raus stret long skul.

Nesenel Gavman aninit long Nesenel Plening bai lukautim K10 milien bilong biling bek gen infrastruktur bilong Passam Nesenel Hai Skul, we nau i lukim wok kamap i stat pinis long em.

Mista Lavaki i tok moa tu olsem em i hamamas long luksave olsem Yarapos

## Pagelio givim K54,000 subsidi long Yarapos Sekonderi

Paul Fuzo i raitim

NESENEL Edukesen Sekretari Dokta Joseph Pagelio i bin kisim bikpela welkam taim em i visitim Yarapos Mercy Secondary Skul long lukluk raun na toktok wantaim ol sumatin na ol tisa long las wika Fraide. Biahin tasol long passim bilong 21st Sinia Edukesin Opisas Konfrens we ibin kamap long Weak, Is Sepik provins.

Lukluk raun bilong Dokta Pagelio em long strongim wokbung namel long Gavman na Sios Edukesen sistem, we bai inapim bikpela as tingting bilong dispela yia konfrens, "Achieving Quality Education Through Public, Private and Church Partnerships". Dokta Pagelio husat i bungim ol sumatin lida i amamas long lukim lidasip kwaliti ol sumatin meri i soim long ronim na lukautim skul bilong ol.

Dokta Pagelio i tokim ol sumatin lida olsem, skul em i trening graun bilong wok lidasip, na lidasip we i sanap antap long as tingting bilong lotu na kristian bilip em i gutpela lidasip, em i tok.

Dokta Pagelio i tok, em i amamas long lukim tu disiplin bilong ol sumatin na tu ol samting bilong skul i soim hai stendet bilong administresen we i luksave tru long kwaliti bilong edukesen; dispela em i sut stret long bikpela tingting bilong Nesenel Edukesen Plen bilong kamapim skul bilong ekselens we konfrens i toktok strong long em, em i tok.

Dokta Pagelio i tok moa tu olsem em i hamamas long luksave olsem Yarapos

Mercy Sekondari Skul i kisim pinis ol OBE (Outcome Based Education) teks buk bilong ol.

Em i tok 341,000 ol buk em Nesenel Edukesen Dipatmen i givim i go aut long ol skul insait long kantri na 700,000 moa OBE teks buk bai kam out bihain liklik long dispela mun yet.

Dokta Pagelio i tok, ol dispela OBE Tekbuk i kostim Gavman na AusAID K300 milien long kamapim na em i askim skul long lukautim na yusim gut long lainim bilong ol sumatin.

Bihain tasol long bungim ol sumatin lida, Dokta Pagelio na tim bilong em i bungim olgeta sumatin bodi we Dokta Pagelio i givim sek mani mak olsem K54,000 olsem skul sabisidi i go long Prinsipal bilong skul, Alex Makus.

Long wankain taim, Dokta Pagelio i komitim tu K50,000 long helpim ron bilong skul na tu i donatim ol spoting samting i go long skul.

Provinsal Advisor bilong edukesen long Is Sepik administresen, Joseph Auli, long makim pipel bilong Is Sepik na tu olgeta sumatin na tisa insait long provins, i givim bikpela tok amamas na tenkyu long gavman, AusAID na olgeta developmen patna husat i helpim na sapotim edukesen developmen long Is Sepik provins.

Planti skul tu insait long Is Sepik i bin kisim skul sabsidi mani bilong ol bihain tasol long dispela bikpela edukesen konfrens.

# Elma Kris, top balei dansa long Australia

OLSEM MERI PNG STRET! Yes ya, Elma Kris i asples Australia meri bilong Thursday Ailan long fa not Kwinslen (Queensland), long Westen Distrik boda wantaim PNG.

Elma i bin groa ap long wanpela bikpela famili we i gat 8-pela pikinini. Em i groa long ailan we i ron lek natting long wesan, tasol nau em i kamap wanpela top balei dansa

long Australia. Daunum ol planti salens long laip long lainim long putim balei danis su, go stap na skul long Sidni we i kol, skelim wantaim Tores Streit we i hot, lainim musik na danis na go pilai long Yurop em ol bikpelka samting em i mekim long laip bilong em.

Nau em i gat luk-save olsem wanpela gutpela savelain balei dansa bilong Australia

we i raunim wol long wok bilong em.

Dispela i soim olsem maski yumi bungim ol kain hevi na sot long samting long laip, strongim tingting, hatwok na bihainim gutpela pasin i ken mekim yu inapim samting yu laikim.

*Poto na stori: The Australian Womens Weekly, Jun Julai megesin*



Elma Kris, wanpela top balei dansa bilong Tores Strait Ailand klostu long Australia.

# Wokmeri kam bek long Jemani

Pasto Gendi Mui  
i raitim



Gahanama Siniwin

WANPELA longpela taim wokmeri long het opis bilong Evanjelikel Luteran Sios (ELC/PNG) long Ampo, Gahanama Siniwin, i kam bek pinis long PNG bihain long 10-pela wik wok misin long Jemani.

Dispela i bihainim wanpela program bilong Luteran Sios long Laipzic, Jemani, ol i kolin 'Wok missin i go long Not' (Mission to the North). Long dispela program, Laipzic Missin Desk – LMD i save ogenaisim na singautim ol olpela wok misin eria bilong en long salim ol wanwan wokman o meri long Jemani na mekim sotpela wok misin long hap. Dispela program i save kamap olgeta 2-pela yia.

Long dispela yia, tripela bipo wok misin eria o kantri bilong Laizig i bin kisim inutesen o askim long wokbung misin wok long Jemani. Em ol Luteran Sios long Tan-

zania, India na Papua Niugini. Mis Siniwin i bin makim ELC-PNG na i go.

Mis Siniwin i tok, insait long 10-pela wik wok misin program, em ol i raun i go lukim na mekim ol wok misin long ol peris na kongrigesen bilong sios, ol skul na konfemesen klas. Na ol serim tingting na pasin bilong wok misin nau ron insait long ELC-PNG.

Em tok tu olsem taim ol wok misin raun ol bungim kainkain bikman meri bilong long sios na komyuniti. Ol lain olsem, Lod meya bilong Sinibeg siti, Bisop bilong Saksioni, Lod meya bilong

Laipzic yet na Diakonia sista bilong Jemani.

Mis Siniwin i tok, em luksawe olsem namba bilong kristen manmeri long Jemani i wok long go daun. Olsem planti lain i no moa amamas long i go long lotu. Dispela i givim bikpela salens tu long sios long hap.

"Bipo ol bin mekim bikpela wok misin long yumi olsem na nau yumi gat wok long mekim bilong helpim ol. Yumi no inap salim wokman o mani na kago long helpim ol, nogat. Wanpela rot tasol em long prea tasol long ol," Mis Siniwin i tok.

Dispela bung i save toktok long ol wanem kain ol isiu bilong sios na ol sampela nesenele isiu we sios inap long harim long en.

Neks yia, sinod kibung bai kamap long Nesenel Spots Institut (NSI) long Goroka.

Siaman bilong Goroka Sinod, Songan Brian Koningi i tokim Wantok Niuspepa olsem Goroka bai lukautim namba 28 sinod, we bai ron tenpela de olgeta.

Bikpela sponsa bi-

long sinod em memba bilong Goroka, Thomson Harokaqvek, husat i givim moa long K50,000.

Moa long 2000 manmeri bai kamap long NSI long dispela kibung.

Ol yut long wan wan seket long Isten Hailans i wok long redim musik, kriativ danis na ol arapela samting long pulim ol deleget.

Oi ELC PNG kaunsel memba wantaim ol distrik presiden i wok long bungim nau 8-pela seket long Goroka distrik long redim ol kaikai samting bilong sinod, na tu, ol yangpela i wok long redim wan wan peten bilong ol long soim kala bilong Goroka distrik we ol arapela Kristen bilong ELC PNG i ken lukim.

Bihain long namba 28 sinod long Goroka Distrik, Kate Lutheran

distrik inap long kisim 2014 sinod, tasol ol Kate distrik i no redi na sios kaunsel bung i wanbel na Karkar bai hostim 2014 sinod.

Dispela bai lukim nupela wokabaut bilong Karkar distrik bai karim wok sios tru long nupela yangpela lida Masol Bage.

Siaman Loya Koningi i tok, 22nd Ogas 2011 Goroka bai launsim synod program long mun Ogas i go inap long Mun Novemba ol yut na ol Kristen manmeri bai go het yet long bildim sinod haus long Goroka stail long lonsim program long Ogas 22, 2011 na ol arapela klostu distrik Is Simbu, Simbu na Kainantu bai kam long lukim lonsim bilong sinod.

Save i Ken Helpim:

•PIS OIL

PIS wel o oil i gutpela long helpim pinisim ol pen long sik atraitis o sik long ol "joint" o skru bilong man, na bun pen. Nupela stadi i soim olsem pis oil i ken helpim long pinisim baksait pen na nek pen. Bihain long tupela mun long kisim pis oil sapilmen, 56 pesen long oil lain i gat sik long skru, bun na nek i bin stop long kisim ol narapela pen marasin.

•KILIM  
DAI TV

WANPELA stadi i soim olsem manmeri i sindaun lukim TV long ol wanwan awa i stap long 18 pesen mak hevi bilong dai long sik bilong lewa (heart disease), maski man o meri i no patpela na i gat herti weit. Sindaun longpela taim i sloim wok bilong brukim suga na ol fat o gris we i save kamap taim ol masel i muv.

I kam long Nature&Health megesin bilong Jun na Julai 2011.

**GLOBE**  
....the perfect choice  
**VITAMIN ENRICHED**

More Easy, More Tasty, More Healthy.





**Yut, Meri na Famili wantaim Lorraine Siraba**

## Bungim ol yut wantaim long kamapim senis

MOA long 45 yangpela pipel namel long 14 na 24 krismas long tupela wik i go pinis i bin raun i go long Nesenel Katolik HIV na AIDS opis na VCT Senta long lainim save moa long HIV na AIDS. Taim ol i stap long hap, olgeta yet i bin wanbel long kisim VCT tes.

Yut Adolosen Helt (YAH) i bin go pas long stretim dispela wokabaut.

Dispela YAH em i wanpela kain grup long Nesenel Kapitel Distrik husat i save skulim ol wanlain poroman o wanpela krismas lain long ol samting i karamapim ol riplaktiv helt olsem ol yangpela pipel i kisim bel taim ol i no redi yet, ol seksuel transmitit sik olsem gonoria, sifilis na ol narapela moa sik olsem na HIV na AIDS.

Na tu, ol i save skulim ol poro bilong ol long luksave long bikhet pasin na samting em i kamapim na promotim pasin.

Long olgeta yangpela pipel ya, em bin wanpela nupela samting long kisim HIV na AIDS tes. Sampela i bin wari liklik, tasol bihain ol i kisim tes, ol bin amamas olsem nau ol i save long stetus bilong ol na klia long wanem samting wanpela i mas wokim pastaim long em i kisim HIV na AIDS tes.

Sampela i ken ting olsem em i no bikpela samting olsem wanpela grup bilong yangpela pipel i go kisim VCT tes tasol dispela em i namba wan taim we bikpela grup bilong yangpela pipel i bin bung wantaim na yusim "peerr" sapot long mekum gutpela samting we i senlong kamapim senis long laip bilong ol. Long ol YAH Klab memba i yunait, sanap wantaim na kamapim senis long ol wanlain grup bilong ol em samting we pipel long PNG na moa yet, ol yangpela long lainim samting long em na tu, taim planti pipel long dispela kantri i ken karim HIV na AIDS binatang, tasol ol i no save.

Sosaiti i save lukim ol yut olsem ol lain we i karim hevi na ol i no gutpela poroman long sosaiti.

PNG Developmen Stratijik Plen 2010 – 2030 i mekum klia olsem yut em i wanpela bikpela hevi eria we 80 pesen kraim long kantri em ol yangpela i wokim na 71 pesen long ol kalabus lain em ol yut. Moa yet, samting olsem 300,000 yut e mol i stap long hevi bilong spakbrus na ol strongpela dring. Dispela i no gutpela piksa long ol yangpela pipel we wanpela de ol bai kamap ol lida bilong dispela kantri. Tasol long save olsem i gat sampela yuit grup olsem YAH husat i klia long wok bilong ol long kantri na ol i gat visen long rot ol i go long en i givim sampela bilip long ol yut bilong yumi.

Long ol YAH Klab i bungim wantiam na go pas long ol wanlain bilong ol na go kisim HIV na AIDS tes em i wanpela pablik stetmen we i sapotim samting we Nesenel Distrik Gavana, Powes Parkop, i laik mekum. Dispela em salens em i putim i go long ol yut insait long Mosbi siti na PNG olgeta long go kisim HIV na AIDS tes bilong ol bai ol i ken save long stetus o sapos ol i gat AIDS binatang o, nogat na long dispela rot, ol i ken lukautim ol patna bilong ol, na daunim mak bilong HIV insait long kantri.

## Mama soim kala...

Planti kainkain gutpela kala na ples tu paia long NSI long Goroka Isten Hailens Provins. Ol mama na ol yangpela meri go amamasim namba 36 Yunaited Foskwea Wimens Konvensen long hap. Poto i soim wanpela mama kilim skin long danis. **Poto: Sape Metta**



## PNG SUSTAINABLE DEVELOPMENT PROGRAM LTD



### PNGSDP sapotim gutpela wok-bung namel long ol man na meri long Westen Provins

Papua Niugini i stap bihain yet long luksave olsem ol yangpela meri i ken gat wankain wok na save olsem ol yangpela man insait long komuniti long sait bilong kisim edukesen. Tasol yumi save pinis olsem ol save meri i save mekum planti gutpela wok na kamapim gutpela senis insait long komuniti.

Long mun Mei 2006 PNGSDP i bin kisim wanpela askim i kam long St. Gabriel's Sekederi Teknikol Skul long Kiunga long kamapim senis insait long edukesen bilong ol meri long Westen provins. Long helpim na wokim kamap namba wan domitori bilong ol meri. Dispela em nau ol i kolim olsem Montfort Teknikol Hal Skul.

Dispela em wanpela projek we ol Bod na tisa long skul wantaim ol wokman meri bilong PNGSDP i gat bikpela bilip long en. Insait long dispela projek, mipela lukim ol yangpela man sumatin i wok aninit long stia-tok bilong wanpela voluntia na i wokim wanpela 40-bed rum domitori bilong ol yangpela meri sumatin. Long pastaim ol dispela meri i save painim ol haus long slip autsait long skul banis. Ol dispela yangpela meri i kam long olgeta hap bilong provins, na planti long ol i save slip long ol haus arere long Kiunga na planti taim ol i no save stadi gut tumas na planti taim ol i save tingting tumas long sefti bilong ol.

Wantaim sapot insait long mani helpim em K250,000 mipela i helpim skul long pinisim gutpela ples bilong ol yangpela meri long stap slip na skul. Mipela i mekum rekot stret long wokim dispela domitori kwik taim tru. Long nau yet, moa long 125, yangpela meri i kisim helpim long dispela domitori. Mipela i lukim na amamas long dispela gutpela wok kamap, dispela em i gutpela storu tu bikos ol sumatin meri i mekum skul wok gut tru na rekot i soim ol ol i kamap gut long skul wok bilong ol.

Taim mipela i lukluk long helpim mipela i givim i go long 125-pela yangpela meri insait long Westen provins na komuniti bilong ol, mipela i tingting tu long wanem samting ol i ken kamapim long wanem wok ol i bai mekum bihain wantaim planti tausen pipel ol bai wok wantaim na helpim. Mipela i tingting tu long femili bilong ol, na wanem gutpela wok ol dispela save meri bai givim long sait long edukesen bilong ol pikinini bilong ol bihain. Nau, bihain long 5-pela yia, kampani i lukluk bek long askim i kam long dispela gutpela skul long helpim na kamapim samting long senisim laip bilong ol meri sumatin.

Mipela i tingting wok mipela i mekum long 2006 taim mipela i helpim wanpela grup em ol yangpela sumatin long lainim planti lesen long wokim domitori, na dispela lesen mipela i save bai helpim ol long wok bilong ol insait long laip bilong ol wan wan.

Mi bilip dispela projek em gutpela piksa tru long sait bilong fainensal, sosed na gutpela pasin na tingting long senisim ol risos bilong kantri we i stap insait long graun olsem dispela long Ok Tedi long helpim ol manmeri long gutpela wok na gutpela sindaun long bihain taim.

- I kam long ofis bilong CEO (article# 5 bilong 2011)



CEO: David Sode

# Gutnius Luteran grup go long Holilen wokabaut

WANPELA Gutnius Luteran Sios (GLC) grup i lusim pinis PNG long dispela wik na kisim balus i go long wokabaut bilong ol long Holilen o Israel.

Naintin (19) bilip manmeri bilong Enga provins i memba bilong GLC save stap long Wabag, Kimbe na Mosbi i wokim raun long namba wan taim i go long Holilen.

Balus kampani, Air Niugini, i sponsaim ol lain manmeri ya i go long dispela wokabaut. Em i namba wan taim long Air Niugini i sponsaim o sapotim wanpela grup i go long wanpela kain wokabaut olsem.

Deputi Jenerel Menesa long Maketing wantaim Air Niugini, Dominic Kaumu, i tok wokabaut bilong grup bai go olsem long Singapo, Kolombo na Sri Lanka.

Mista Kaumu i tok Air Niugini i patna wantaim Royel Jordanien Elain, Sri Lanka Elain na Jenerel Seils Ejen na jet Wing Holides long Kolombo.

Mista Kaumu i tok dispela em i namba wan taim long Air Niugini i maketim prodak long narapela rot na kampani i amamas long helpim moa PNG pipel na moa yet, ol Kristen manmeri long mekim wokabaut i go long Holilen.

Wokabaut bai kisim 10-pela de olgeta. Insait long dispela taim, grup bai raun lukim ol sampela ples i stap long Baibel histri olsem Betlehem, em ples

we mama i karim Jisas long en. Narapela em long Kana (Cana) long Galili we Jisas i bin wokim namba wan mirekai bilong em taim em bin tanim wara i go long wain.

Bihain ol bai wokabaut i go lukim Nazaret na kisim bot na ron long Si bilong Galili we Jisas na ol aposel bilong em i bin mekim.

Grup bai go olsem tu long Maunden Zaion, Maunden Olivs, em ples we Jisas i bin sanap na go antap long heven. Na Gaden bilong Getsamani we Jisas i bin stap pre taim ol birua bilong em i go na kisim em.

Ol bai raun i go long Jeriko na lukim Ded Si o solwara i dai na stap. Bai gat sans long ol lain ya i gat sans long "float" o swim antap long solwara na i no inap go daun long wanem, solwara ya i pulap turmas long sol. Dispela ples em i stap daunbilo moa long graun, winim ol narapela hap long wol.

Ol bai raun i go tu long Maunden bilong Temtesen o traum we satan i bin testim Jisas taim em i go antap long maunden na pre wantaim nogat kaikai long 40 de. Long Jeriko, ol bai lukim Sikamo diwai we Zakeus i bin go antap long en long traum lukim Jisas taim em i wok long go olsem long Jeriko.

Membu bilong grup na Deputi Polis Komisina, Fred Yakasa, taim em i autim bikpela tok tenkyu i go long Air Pekej.

Niuigini, i tok grup i amamas stret long go long dispela wokabaut i go long Holilen.

"Dispela em i wanpela sans long laip long lukim ol ples long Israel we mipela i ritim tasol long ol long Buk Baibel, tasol nau bai mipela i lukim long ai bilong mipela stret," Mista Yakasa i tok.

Wanpela seremoni i bin kamap long Jeksen's ples balus long Mande apinun long tok gutbai long grup pastaim ol i kisim balus na go olsem long Singapo.

Namba tu wokabaut i go long Holilen we Air Niugini i ogenaisim o streitim bai kamap long pinis bilong dispela mun, na namba tri bai kamap long neks mun.

Husat lain i gat laik long wokim wokabaut i go long Holilen, 10-pela de Air Niugini Holilen Tua wokabaut em i kostim K9,499.00 long wanpela man o meri. Dispela i karamapim balus tiket bilong go na kam, tripela sta bikpela rum sea ples bilong slip, epot trense, kaikai tua fi, trentspot long kisim pipel i go na i kam long ol ples yu laik lukim, visa na boda takis fi long Jordan na Israel, ol takis na ol narapela moa.

Yu ken go long Air Niugini Travel Ejen o Senta opis klostu long yu long kisim spes bilong yu long Holilen Tua Pekej.

**GLASIM TOK**

WANTAIM

Fr Lollington Wiam



## Watpo pre long Korapsen

I NO long taim i go pinis, olpela Deputi Praim Minista, Sam Abal, i tokaut olsem wok bilong pre em i gutpela.

Ekting Praim Minista i tokaut na planti pasto na krissten i taitim bun tru long beten na mekim kainkain stail long askim God. Tasol mi yet mi painim hat tru long beten, bilong wanem na mi mekim olsem? Husat tru Ekting Praim Minista i askim yumi long beten? Gavman, ol gavman na ol dipatmen manmeri, oposisen memba? Ol gavman minista? Ol pipel bilong PNG? Ol opisa bilong ol dipatmen? O korapsen!

Mi save beten long moning na apinun tasol, olgeta de long wok bilong wanem na mi mekim olsem? Husat tru Ekting Praim Minista i askim yumi long beten? Gavman, ol gavman na ol dipatmen manmeri, oposisen memba? Ol gavman minista? Ol pipel bilong PNG? Ol opisa bilong ol dipatmen? O korapsen!

I hat tru long brukim ia dram na ai bilong ol snek nogut i wok long pinis mit bilong kantri bilong yumi, PNG.

Sapos mi beten, pasin stil i stap long olgeta de na bai God i senisim yumi olsem wanem, nogat! Yumi yet mas senis long pasin gridi, selpis, apim yumi yet, stil, giaman na bai ron gut. Papa God em i no pani God na yumi i noken pilai kas wantaim em. God em i spirit, krieta, Holi na Suprim. Em i givim yumi mit bilong PNG pinis mas menesim gut na givim tenkyu long em bai blesim yumi moa na bai PNG i grow helti. Sapos yumi beten long God orait bai yumi ol bik lain i mas senis. Yumi mas lusim dispela kain pasin bilong bikpela ai bilong snek i wok long pulim milian, bilian kina bilong yumi pipel i mas pinis. Em tasol bai gat senis. Sapos dispela i no senis na korapsen i stap yet em beten bilong yumi i olsem, yumi i wok long mekim wanpela kain fani gem long yumi yet.

## Goroka ELC-PNG i mekim ol wok redi bilong bikpela sios bung

**Paulus Tali i raitim**

OLLUTERAN Sios memba bilong Isten Hailans i mekim ol wok redi nau long holim namba 28 sios sinod o bikpela bung bilong Lutertan Sios long neks yia.

Bung bai kamap long Goroka taun na Evanjelikel Luteran Sios PNG (ELC/PNG) Goroka Distrik bai lukautim bung.

Ol yut insait long ol wan wan seket long Isten Hailans i wok lon g redim ol music bai nol i putim kamap, ol pilai drama na moa.

Ol 8-pela seket long Lae na ol peris bai givim ol gaden kaikai na ol narapela sapot long en.

Singaut i go tu long Isten Hailans Provin sel gavman long givim sapot i go long dispela bikpela bung bilong sios.

Long Luteran Sios, sinod em i bikpela bung we ol i save holim bihain long tupa yia long toktok long ol bikpela samting i kamap long sios, kantri na komyuniti. Sapos i gat hevi, sios i save painim rot long traum streitim ol.

ELC-PNG em i wanpela bikpela sios long PNG na wol tu.

Long PNG yet, Luteran Sios i gat samting olsem 1.5 milian memba long en.

Siaman bilong Goroka sinod wok redi em Brian Koningi, i tok sinot we Goroka bai lukautim bai go het long 10-pela de olgeta. Dispela em i winim ol narapela taim we sinod i save kamap pastaim.

Siaman na Pasto Koningi i tok Goroka Open em i bikpela sponsa long dispela sinot.

Em i tok ol i ting olsem moa long 2,000 kristen manmeri bai kamap long dispela sinod bung.

## Stetyu bilong Fatima i kam long PNG

**Veronica Hatutasi i raitim**

Stori bilong Mama Maria long Fatima i go long stat bilong laspela senseri long yia 1917 taim Mama i bin kamap long tripela pikinini i save lukautim sipsip long ples Fatima, i stap long kantri Portugal na givim ol sampela toktok. Tripela pikinini em Franceso, Jacinta na Lucia. Lucia i bin kamap wanpela Kamelait Sister na em bin stap laip longpela taim inap long em i dai long yia 2006 taim em i gat klostu 100 krismas. Narapeal tupela i bin dai tai mol i yangpela yet, i no long taim Mama Maria i kamap long ol.

Katolik Sios i gat bikpela luksave long Our Lady of Fatima na olsem, stetyu bilong em i save wokim raun

long olgeta kantri na pulim plnait sios memba long wokim ol pre bilong askim Mama long helpim ol long laip na sindaun na ol kain wari, hevi na sik ol i gat long en.

Long wankain taim, samting olsem 64 yut grup long ol wan wan kantri i wok long go long 2011 Wol Yut De long Madrid em kapitel siti bilong kantri Spein, bai go long Fatima long givim luksave na pre long Mama Maria bilong Fatima. Samting olsem 45 grup em bipo long Wol Yut De i kamap na 14 em bihain long Wol Yut de selebresen.

Planti long ol dispela grup i kam long Latin Amerika. Grup i gat long ol namel long 100 na 2,500 pilgrim long en.

**OUR LADY OF FATIMA:**  
Stetyu bilong Our Lady of Fatima i bin kam long PNG tupela wok bilong sios na mekim wokabaut i go long sampela Katolik Daiosis insait long PNG. Hia yumi lukim Claire em wanpela perisina bilong Sen Peter Sanel long Erima, long Pot Mosbi Asdaiosis i pre taim stetyu i bin stap wanpela nait long peris sios. Ol perisina i bin wokim wanpela nait vijil o prea nait taim em i slip wanpela nait long Sen Peter's. Poto: Frederica Siwin





# TOK PISIN NEWS

from Radio Australia

radioaustralia.net.au

Harim TOK PISIN long

Radio Australia

**101.9FM**

Port Moresby

Tok Pisin Service

6am - 7am 6080; 7240(khz)

7pm - 9pm 5995; 6020; 9710; 1280(khz)

Greens lida i laik  
save gut long  
Indonesia pepa

LIDA bilong Greens Party bi-  
long Australia i tok lain bilong  
Australian Competition na Con-  
sumer Commission i mas mekim  
ol wok painimaut sapos ol pepa  
na ol arapela samting em ol i  
save yusim bilong kamapim pepa  
em ol i save salim long ol stua  
long Australia, i kam long ol wok  
bisnis bilong katim daun ol bikbus  
o foresh long Indonesia.

Ol i save kolum tu dispela  
komisina long A tripol C.

Dispela wuk long ABC Foreign  
Correspondent televisen pro-  
gram, ol i tokaut olsem wanpela  
loging kampani em ol i save kolim  
long Asia Pacific Resources,  
husat i save ronim bikpela pepa  
bisnis long wol, i save katim ol  
renfors o bikbus long Sumatra.

Greens Lida Bob Brown i tok ol  
pipel bilong Australia i mas save  
sapos ol i baim ol gutpela prodak  
o nogat.

Ol rebel i holim  
pasim meya na tu-  
pela soldia long Fil-  
ipins

INSAIT long sauten hap bilong  
Filipins, ol gan-man i bin holim  
pasim wanpela meya na tupela  
ami soldia long haus bilong en  
long hap.

Ol i bilip dispela ol man i kisim  
ol, em ol memba bilong komunis  
rebel husat i bin redi long kirapim  
bek ol bel isi toktok wantaim gav-  
man bilong kantri.

Polis na ol lokol gavman opisal  
kwik taim i bin rereim wanpela  
kraisis menesmen tim long wok-  
bung wantaim ol rebel long larim  
fri Meya Henry Dano na tupela  
bodi gat bilong en.

Ol i tok 30 rebel paitman wan-  
taiem ol gan i bin brukim banis  
long haus bilong meya long bik-  
moning na kisim ol.

Polis i stap sambai bhain long  
ol intelijens ripot i tok ol rebel i bin  
tagetim taun bilong meya bikos  
em i bin stap long ajenda bilong

ol long kamapim sampela kain  
trabel.

Dispela i no namba wan taim ol  
rebel i kidnepim wanpela sinia  
politikal opisa. Long las yia, ol  
rebel i bin kisim wanpela meya  
long narapela taun na bhain  
larim em i go fri.

Ol i muvim planti  
tausen pipel long  
Isten hap bilong  
China

PLANTI handret pipel i lusim  
isten hap bilong Saina bikos long  
wanpela strongpela saiklon – ol i  
kolum Typhoon Muifa i ron i go  
olsem long hap.

Ol gavman opisal i tok ol i bin  
inap long muvim moa long 200  
tausen ol pipel long haus bilong  
ol i go antap long maunten ples.

Ol i bilip dispela raun win na  
ren bai hamarim eria klostu long  
Shanghai dispela wiken wantaim  
strongpela ren na win long 160  
kilomita long wan wan awa.

Ol mansave long weda o sin-

daun bilong san, win na ren, i tok  
dispela saiklon inap kamap  
olsem Taifun Matsa long 2005,  
we i bin kilim 7-pela pipel.

PM bilong Japan i  
tok kantri i mas  
kamap fri long nuk-  
lia

PRAIM Minista bilong Japan i  
mekim wanpela bikpela tok  
promis long daunim ol wok kantri  
i save mekim wantaim nuklia  
pawa insait long wanpela ser-  
moni bung bilong makim 66 yia  
anivesari bilong Hiroshima bom.

Insait long dispela bung bilong  
tingim ol 'viktum', ol pipel i dai long  
namba wan nuklia bom long wol,  
ol i bin tingim tu bikpela bagarap  
em guria i bin kamapim long  
Fukushima nuklia plent.

Praim Minista Naoto Kan i tok,  
wantaim halivim bilong wanpela  
'transleta' o man bilong tanim tok,  
olsem em bai wok hat long  
mekim Japan i nogat wanpela lik-  
lik nuklia samting i stap.

"Mipela bai glasim gut tingting

olsem nuklia eneji em i sef.  
Glasim gut tru as bilong birua i  
bin kamap, na long strongim sefti  
na tu, lusim wok nuklia long  
mekim pawa bilong kamapim gut  
wanpela komyuniti we i no yusim  
tumas nuklia pawa", em i tok.

Ol i makim gen  
olpela PM bilong  
Tailen long lidim  
Oposisen

OL i bin ilektim gen olpela  
praim minista bilong Tailen, Ab-  
hisit Vejjajiva olsem lida bilong  
oposisen Demokret Pati bilong  
kantri.

Mista Vejjajiva i bin lidim pati bi-  
long en i go nap long taim bilong  
jeneral ileksen, pati nau i stap  
long Gavman i bin autim tiket bi-  
long en na pati long las mun.

Na nau, ol i makim em gen long  
kisim dispela posisen.

Dispela ileksen tu i kamap wan-  
pela de bihain long wanpela pala-  
men vout i makim Yingluck  
Shinawatra olsem namba wan  
meri Praim Minista bilong Tailen.

147		97	2011	Gallus Yumbui	Raphael Ramina, Wendy Ramina & Ramina Yumbui Investments Ltd	Pending
148		98	2011	Plus Mangaea	Bismarck Industries Ltd	Pending
149		99	2011	Vincent Davu, James Robin, Gerald Tule, Chris Mangaea, Steven Pandi Landowners of Tavelealpu Clan	Peter Ling as MD for Tzen Pacific Ltd	Pending
150		118	2005	Bank of South Pacific Limited	Wertat Markhip & Penny Markhip	Dormant
151		119	2005	Zacharias Saka Varimo	Motor Vehicle Insurance Limited	Dormant
152		138	2011	Vitis Industries Limited	Hon. Sasa Zibe MP as Minister for Health and Department of Health & The State	Pending
153		144	2009	Jackson Mari for himself & other defendants of the late Lynette Jason (Deceased)	Dr. Sano Tahong Medical Officer - Mendi General Hospital and Dr. Clement Malau - Secretary for Dept. of Health	Pending
154		146	2010	Salt - Nomane Layman Association	Hon. Posi Menai, MP for Karimui Nomane	Pending
155		148	2006	The Commissioner General of Internal Revenue	Simkor Trading Limited	Dormant
156		151	2008	Nelson Inugu	Edward Yowe	Dormant
157		154	2008	Emmanuel Gabu Gorea	Jeffrey Simrey	Dormant
158		167	2007	Kaku Stralp	Motor Vehicle Insurance Limited	Dormant
159		174	2003	Ben Pokanau	Pacific Star Limited T/as The National	Dormant
160		177	2007	Paulus Kereni Nini	Aho Baliki	Pending
161		183	2011	Gatu Galing	Motor Vehicle Insurance Ltd	Pending
162		184	2009	QBE Insurance (PNG) Limited	PNG Bottle Industries Limited	Dormant
163			2010	Ronald Kalu	The Southern Highland Provincial Government Guarantor Scheme Management Ltd & William Powi The Provincial Administrator SHP	Pending
164		186	2005	Sebastian Ernesto	Martin Balthasar- Assistant Commissioner	Dormant
165			2011	Joseph Noel Ealedona	National Broadcasting Corporation (NBC)	Pending
166		208	2010	Charles Paul Rasehei MBE	The Police Commissioner - Royal Papua New Guinea Constabulary & The State	Dormant
167		217	2011	Simon Ipopi his next friend of late Andria's Andrew Simon	Motor Vehicle Insurance Ltd	Pending
168		219	2007	David Willie	The State	Dormant
169		220	2006	The Commissioner General of Internal Revenue	Albara Limited	
170		240	2008	Orokaiva Resources Ltd	Barrington Ltd	Pending
171		243	2011	Robert Tukundu	The Secretary for NJSS, Department of Personnel Management, The State	Pending
172		244	2008	PNG Power Limited	Narung Trading Limited	Dormant
173		248	2010	Pascal Api	Jeffrey Ling & Vanimo Forest Products Ltd	Pending
174		256	2006	The Hong Chin	Chen Mao Shun, Utam 2005 Limited	Pending
175		258	2010	Michael Wafi, Efete Max, Petrus Magabe, Samuel Arawe, Kaimae Mai, Hame Hogote & Peter Tenape	Senior Const. Edward Christian, Vincent Friday and Joe Police Officers of Gerehu Police Station, The State	Dormant
176		263	2005	Jennifer Marabe & 47 Ors	Brian Pebo	Pending
177		266	2008	Luke Kaupa (A Customary Personal Representative P. to Sec. 27 of Wrongs (MP) Act for Estate of Deceased John Kaure	Commander Andrew Wawi	Dormant
178		267	2006	Mark Timboa also know as Mark Timba	Telkom PNG Limited	Pending
179		269	2007	Issac Tommy	William Powi, a/Administrator SHP & The SHPG	Closed
180		272	2009	The Commissioner General of Internal Revenue (IRC)	Justrio Investments Limited	Pending
181		273	2008	Max Kep	Dominic Soh Golma and Mac Golma	Dormant
182		280	2008	Hon. Wake Gai, MP Member of Parliament for Jimi Open Electorate	Madeline Paulisbo Sales Representative Kataleena Home Loans Ltd	Pending
183		286	2002	Eleana Chan	Steven NG	Dormant
184		287	2006	Simon Filloy Boni by himself & Other One Hundred & Twenty One (121) individual members of the Inai - obebiara and Sufaalana Clans of Yaloge Village	Michael Mongo bu himself and other 27 individual members of the Ivida - Yumu Clan of Wama Villages & 3 Others	Pending
185		288	2006	Naime Ine'e for himself and the Three Hundred (300) and five individual members of Ukaukana Village & 8 Others	Tolukuma Gold Mines Ltd	Pending
186		291	2008	Raphael Tombe Tameani & Ors	Snowy Mountain Engineering Corporation Ltd	Pending
187		300	2010	Morocco Holdings Pty Ltd	Fubilan Catering Services Ltd and Mineral Resources Star Mountains Ltd	Pending
188		302	2009	Hinoki Timber Pty Ltd and Margaret Molai	JDJ Investment Limited and Choong Yong Sing	Pending
189		303	2009	Kakale Amena Pngipe	Nixon Mangape	Pending
190		306	1998	ALOIS YAU	PAPUA NEW GUINEA BANKING CORPORATION	Closed
191			2011	Tarcissius Munganua as Managing Director of NHC	John R. Marcus	Pending
192		316	2005	Toyota Tsusho (PNG) Ltd	Yiannis Nicholou and Andrew Humphries	Dormant
193		321	2007	Namalu Kadin	Hon. John Muingepe, MP - Chairman Bulolo Joint District Planning & Budget Priorities Committee	Dormant
194		322	2010	Mary Ume for and on behalf of Herself and Peter Ume as his next friend	William Hagahuno, NHC, Department of Lands & Physical Planning & The State	Pending
195		323	2011	Tarcissius Munganua as Managing Director of National Housing Corporation	Coletta Kolmanrea	Pending
196		324	2009	QBE Insurance Limited	Yatala Limited	Dormant
197		325	2004	Joseph Taymen	Joseph Gabut, Secretary, Department of Petroleum& Energy	Pending



# O'Neill Gavman mekim narakain stail



DISPELA senis bilong Gavman long las wik i givim bikpela bel isi long planti manmeri bilong Papua Nugini we ol i ting olpela gavman bilong Somare i paulim na bagarapim planti samting.

Ol bikpela hevi o bagarap em olsem K1.9 bilien olpela gavman i tok ol skelim aut long olgeta provins, K125 milien bilong NasFUND we gavman bin kisim na givim go long memba bilong Kokopo long Is Nu Briten provins, K10 milien bin go long wanpela bisnisman long baim balus na arapela moa.

Narapela tu em ol lida bi-long olpela gavman olsem memba bilong Angoram Arthur Somare husat i sanap nau long kot long klinim nem bilong em long ol rekot bilong mani, memba bilong Aitape Lumi Patrick Pruaitch husat tu bin sanap long kot long kli-aim rekot bilong mani long wok bilong em, olpela Praim Minista Gren Sief Sir Michael Somare tu bin sanap long kot long Li-dasip Traibunel na kot painim em asua na tokim

em long lusim opis na stap ausait wanpela mun.

Bihain long dispela, taim Somare bin kam bek long opis em makim memba bi-long Wabag Sam Abal olsem ekting Praim Minista taim em sik na go long ova-sis long haus sik.

Taim Sam Abal bin kamap Ekting Praim Minista, planti pairap i kamap long gavman taim em i rausim wantok na wanwok bilong em yet, Don Polye, long wok minista na pati lida bilong Nesenel Alaiens (NA) we ol i stap long en. Em rausim tu memba bi-long Hagen Open William Duma husat em lida bilong Yunaitet Risos Pati (URP) na traim long brukim URP.

Dispela olgeta eksen bi-long gavman em yumi ol ausait lain ken tok olsem i bek paia long ol yet.

Ol i ting ol i mekim samting stret tasol nogat.

Eksen bilong ol i kik bek long ol long las wik Tunde taim Oposisen strongim namba na makim Peter O'Neill Praim Minista. Oposisen tok kantri i nogat Praim Minista olsem na Palamen mas makim nupela Praim Minista we ol i mekim olsem na makim Peter O'Neill. William Duma na Don Polye husat Sam Abal i rausim long gavman i kisim ol lain long gavman sait na go strongim namba long Oposisen na ol kamapim nupela gavman long las wik.

Nau yet em ol kainkain Kot pepa i kamap long Kot Haus long salensim dispela disisen bilong Spika na Palamen long kamapim dispela senis long gavman. Tasol em samting bilong kot long mekim na glasim na skelim sapos Mama Loa bilong kantri i bruk long dispela eksen bilong nupela gavman tude.

Wanpela tok nupela gavman i sanap long en em, olgeta memba bilong palamen i gat pawa ol pipel i givim long ol long kamapim na senisim gavman long floa bilong Palamen. Dis-

pela em ol kolim pawa bi-long pipel we Palamen i sanap long en na karimaut.

Oposisen nau i tok posisen bilong Praim Minista i no stap nating bikos Somare i kisim liv bilong Palamen long go long haus sik na makim ekting Praim Minista long ranim wok.

Em samting bilong ol loya na Kot long paitim tok-tok na skelim sapos asua i kamap pinis long Palamen o nogat.

Wanpela askim em bi-long wanem na ekting Praim Minista long dispela taim Sam Abal bin stap long Palamen na stap insait long dispela vot? Em inap long kirap na go ausait long soim olsem sia bilong Praim Minista i no stap nating o Praim Minista i no ri-sain yet long dispela sia.

Nupela Gavman tu i no westim taim. Ol go het na makim ol nupela Minista na Gavana Jenerel i go het na luksave long ol na blesim ol pinis.

Putim was long Kot long dispela wok i go na bai yumi ken lukim dispela eksen na senis bai go kamap long wanem mak bilong Loa.

# WANTOK

## KOMENTRI

### Paul pasin, i nogat hait bilong en

SAPOS i gat wanpela samting we yumi olgeta i save bilip strong long en, em i kamap na biknem bilong stret-pela pasin.

Wanem kain wok yu mekim, bai kamap gut, sapos yu bihainim stretpela pasin, na wokim wantaim gutpela bel.

Long tenpela yia, kantri na pipel i lusim bilip, karim hevi na pilim pen long paul pasin bilong ol lida long kantri.

Pasin bilong laikim samting long givim sevis, i kamap long olgeta hap, na nau, ol liklik manmeri tu i wok long bihainim.

Wanpela samting we kantri i ken kisim long senis long gavman, em senis long tingting, na senis long mekim wok.

Las wik Tunde, gavman i senis. Na las wik Fraide, yumi lukim ol nupela minista bilong gavman.

Ol dispela lain bai go pas long strongim wok bilong publik sevis long kantri.

Pablik sevis, em yumi save olsem planti taim, bai i no inap wok stret. Sapos O'Neill na Namah gavman i bilip strong long senisim na strong bai em i wok strong moa yet, ol i noken abrus.

Insaat long pasin bilong politiks long PNG, i gat planti samting yumi pablik i save harim, na i gat planti moa samting, we yumi no save harim.

Olgeta lida long olpela gavman, na nau ol lida long nupela gavman, em ol man tasol.

Ol i gat gutpela bel na tingting, tasol ol i mas ol strong-pela lain.

Olgeta taim nupela man i save winim wok praim minista, em i save pilim swit bilong pawa i kam wantaim dis-pela wok. Ol toktok i lusim maus bilong ol, i save krai gut tru long iau bilong yumi pipel.

Senis i kamap, i noken stap senis tasol long nem.

I tru, i nogat taim bilong gavman long ron bihainim ol hait na stilman i kaikaim pinis mani bilong gavman.

Tasol bikpela askim nau, we ol komyuniti lida bilong yumi i laikim, em long ol lida manmeri bilong gavman long kantri, long tingim bek wanem as ol i kisim wok lida.

Em bilong lidim pipel, na sevim ol.

Sapos nupela gavman i laik karimaut olgeta wok promis em i makim, orait, em i noken pundaun long laik na paul tingting bilong wan wan man o bilong lukautim ol yet tasol.

**WANTOK**


Published Weekly, Thursday, for Word Publishing Company, Ltd.  
P.O. Box 1982, Boroko, NCD  
Papua New Guinea  
Telephone: (675) 325 2500  
Fax: (675) 325 2579  
Email: editorial@wantok.com.pg

Pe bilong wanpela yia  
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

Word Publishing Company Limited is owned by the four major churches of Papua New Guinea - Catholic 55%, Anglican 25%, Methodist 10% and United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at Word Publishing Company Ltd and are set out full on the display advertising form.

## Raun wantaim Kanage olgeta wok



NEM: Kisip Kembo

KRISMAS: 19 (man)

ADRES: ST. John De Baptist Primary School, P.O. Box 220, Kerema Gulf Provins

SAVE LAIKIM: Pilai spots, watsim muvi, go Lotu, ridim buk na mekim pani

NEM: Isaiah Bonga

KRISMAS: 28 (man)

ADRES: P. O. Box 407, Popondetta, Oro Provins

SAVE LAIKIM: Pilai Voli bol, Tas ragbi, pilai gita, lukluk TV( NRL), raitim pas, mekim na go Lotu

NEM: Rian Monghongho Alphonse

KRISMAS: 18 (man)

ADRES: Aniep Village, C/- ST. Mary's, P.O. Box 125, Leitre, Vanimo, Sandaun Provins

SAVE LAIKIM: Harim musik, pilai soka, volibol, basketbol, go Lotu na mekim pren

NEM: Annestine Funumari

KRISMAS: 18 (meri)

ADRES: Notre Dame Secondary School, P.O. Box 164, MT Hagen, WHP

SAVE LAIKIM: Ridim Baibel, singsing, harim musik, pilai basketbol, netbol, mitim ol poroman na lukluk TV.

NEM: Koron Amun

KRISMAS: 25 (man)

ADRES: P.O. Box 3079, Lae, Morobe Provins

SAVE LAIKIM: Harim musik, pilai Kompyuta, ridim buk na mekim pren

NEM: Kaiya Yoan

KRISMAS: (man)

ADRES: C/- Berna Primary School, P.O.Box

37, Kerema Gulf Provins

SAVE LAIKIM: Pilai soka, mekim Jokes na pilai volibol wantaim ol poroman

NEM: Ruben Yawa

KRISMAS: 18 (man)

ADRES: Muli Primary School, P.O. Box 69, Mendi, SHP

SAVE LAIKIM: Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

NEM: Stanson Petiti

KRISMAS: 20 (man)

ADRES: C/- BSC ANZ Bank ( PNG) Ltd, P. O. Box 1152, Port Moresby NCD Papua Niugini

SAVE LAIKIM: Pilai Gita, ridim Baible, mekim fani na stori wantaim ol poroman

NEM: Joel Kenis Amaekam

KRISMAS: 29 (man)

ADRES: Huon Gulf, Lae 411, P.O. Box 164 Lae, Morobe Provins

SAVE LAIKIM: Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

NEM: Anne Mary Yuwei

KRISMAS: 21(meri)

ADRES: Pes Primary School, P.O. Box 36, Aitape, Sandaun Provins

SAVE LAIKIM: Pilai soka, Volibol, mekim pani, go Lotu, harim musik na watsim TV.

## Kus marasin bilong wait man

Lapun Kanage kus i go tulait na go long haus sik long kisim sampela kus marasin. Em i go kamap long haus sik na wanpela nes meri askim em long wanem kain sik i kisim em. Na Kanage kus wantaim na tokim nes meri: O pikinin, strongpela kus i bagarapim mi stret. Mi no slip long nait. Mi kus i go i go na skin bilong mi i bagarap. Nes meri kirap na tokim Kanage. Sori tru papa. Gavman i sot long mani na mipela tu i sot long kus marasin. Kanage harim olsem na tokim nes. Na bai olsem wanem nau. mi i kam long kisim marasin. Mi no kam long yu tokim mi olsem gavman sot long mani na nogat kus marasin. Nes meri ya tingting i go na tokim




Kanage. Maski yu go long haus na painim sampela tumbuna marasin na dring. Kanage belhat na tokim nes meri ya olsem. Sapos mi go long haus na kus i mekim save long mi, bai mi kam bek long haus sik na kisim yu go long haus na bai yu soim mi olsem we bilong wokim marasin bilong ol wait man

*Marasin boi  
Wewak*

## Soka kompetisin

Wanpela taim, wanpela soka kompetisen i kamap long Bulolo namel long ol Bulolo Forestry Koles na Wau Sekendari skul tim.

## Gel pren mekim mi wari tru



pas olsem long planti ol yangpela long olgeta hap bilong kantri.

Mipela i wok long tingting olsem wanem na ol tokstia we papamama i givim long yu. Plantii papamama i laikim ol pikinini bilong ol na ol i laikim bai ol i gat gutpela laip long bihain taim. I moabeta long yu painim taim long sindaun wantaim ol na harim ol wantaim ol stiatok bilong ol. Kain hevi we yu wok long bungim nau, em ol i save long en na ol yet tu i mas bungim sampela long ol pinis. Olsem na mipela i bilip planti yia ol i gat na ol ekspiriens long prensip na marit i ken helpim yu.

Pren, i gat planti as tingting long pipel i mekim ol samting ol i mekim long en. I mas gat as tingting na gelpren bilong yu i no laik toktok long yu. I moabeta long yu tu i painim taim long sindaun isi na glasim prensip bilong yutupela na tingting long rot we yutupela i ken toktok wantaim em. Sapos em i skul yet, ating em i mas luksave olsem em i lusim bikpela taim long prensip bilong yutupela na em i no tingting tumas long mekim ol skul wok bilong em. Na dispela i stopim em long gol bilong em o wanem samting em i laik mekim long bihain taim. Na yu yet pren i olsem wanem? Yu ting olsem wari tumas long gelpren bilong yu bai helpim yu inapim ol gol bilong yu logn eduke sen?

Mipela i laikim bai yu lukluk na tingting gut long dispela tripela wod. Em long -laik pasin (love), laik long slip wantaim narapela (lust) na strongpela sotpela taim laik pasin (Infatuation). Lukluk long mining bilong ol na skelim wantaim ol as tingting bilong yu long pren pasin wantaim gelpren bilong yu. Yu gat trupela laik pasin? Em i orait long gat gelpren tasol yu mas kontrolim lewa bilong yu na i no mekim ol samting o no stret taim yu stap olsem yangpela i stap yet long skul.

Papamama bilong yu i tromoim bikpela mani long skul bilong yu na mipela i bilip

Plantii ol manmeri i lukluk i stap wantaim ol sampela wait man. Tupela tim i no pilai gut olsem na wait man i kirap na tok olsem, "Ol lain pilai deti gem stret." Kanage i harim na em i kirap na i tok, "Tru ya, ol i no was was na ol i kam long pilai."

## Ol skwat!

Salim ol gutpela Kanage

tok pilai i kam long:

Kanage Tok Pilai

P. O. Box 1982,

Boroko, NCD

Port Moresby.

Email: atolire@wantok.com.pg

olsem ol i laikim yu long skul gut, pinisim gut skul na kisim wok. Olsem mipela i tok pinis, mipela i bilip olsem God i gat plen long taim na as long ol samting i kamap long laip bilong yumi. Na em i mekim i kamap bikos long gutpela bilong wan wan man. Long dispela taim yu no lukim gelpren bilong yu, em i gutpela taim long glasim na skelim ol as tingting na rot we yu wok long go long em taim yu na gelpren i wok long strongim prensip bilong yutupela.

God i laikim yu na i laikim bai yu gat gutpela laip na mipela i bilip olsem wankain tu long ol papamama bilong yu. Mipela i enkarijim yu long bilip long God na em bai soim yu gutpela rot. Ritim buk bilong Proverbs 3:5&6. Na yu kisim sapot long ol papamama bilong yu o sios pasto o kaunseling ogenaisesen klostu long yu.

Planti yut i no wokim gut na ol i drop aut long skul bikos ol i no mekim samting stret long skul gut. Na nau ol i no mekim wanpela gutpela samting we bai helpim ol long gutpela bihain taim bilong ol, tasol ol i wokim ol bikhet pasin i stap long ol famili na komuniti bilong ol. Dispela em bikos ol i no laik harim gut stiatok bilong papamama na ol skul. Plantii i wok long kamap birua wantaim ol papamama na ol famili, lo na ol i go long kalabus. Yu laik kamap olsem?

Pren, sapos yu laikim moa helpim, go long ol lain mipela i givim nem antap pinis na tu, yu ken wokim apoinmen long kam lukim mipela taim yu gat taim.

Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain



# TORO



# BIABIA



# KANAGE



# TOKWIN

## Krangi piksa bilong balus...

Namba wan Iglis niuspepa Post Courier i paul long piksa bilong Falken balus na ol putim piksa bilong Kumul long fran pes bilong Post Courier Trinde long dispela wik.

Bos man bilong ol tete bai no inap kaikai tupela de ya, long wanem, ol em bikpela pepa bilong kantri na dispela nupela balus em olgeta

nius manmeri i putim piksa bilong em pinis taim em i kam nupela long kantri.

Ating kala na sais bilong em wankain o? Em orait olgeta balus em bilong flai tasol laka, tokwin tasol.

## Nupela gavman mekim nambawan sindaun...

Nupela Gavman bilong Papua Niugini i mekim nambawan sindaun bilong em long Palamen long Tunde tu kilok long avinun, olgeta nupela minista tu i pilim nupela sia bilong ol

long dispela taim. Long Trinde, olgeta minista i salim tok long ol nius manmeri olsem bai gat henova seremoni long wanwan opis bilong ol, ol nius manmeri paul long wanem hap bai ol go, long wanem olgeta bai kamap long seim taim, plis isi liklik 9-pela mun i stap yet, olsem wanem yumi laik kamapim bel ah?

*Tokwin em mi ya.*

G	S	B	Z	E	T	R	G	F	U	R	P	O	D	S	Y	W	
R	P	U	L	I	M	B	A	L	O	F	U	M	N	R	R	I	
O	T	L	D	G	H	J	K	L	A	W	S	T	I	K	E	N	
P	V	I	Q	W	G	O	L	I	E	T	D	I	I	W	G		
W	I	O	P	G	H	K	L	T	C	X	Z	T	Y	B	Q	A	
F	R	I	H	I	T	Q	B	E	K	S	X	J	S	E	A	M	
Q	F	U	J	R	B	O	W	P	K	A	W	F	Y	K	A	L	
R	F	W	K	G	U	P	D	N	E	U	R	I	N	S	U	B	
T	C	H	I	I	O	T	I	S	P	I	T	S	M	T	Y	P	
V	B	E	I	I	K	L	X	O	K	C	S	V	L	I	U	L	
S	I	Q	R	T	J	I	K	O	I	F	L	I	K	P	I		
D	W	S	E	M	A	Y	N	I	H	C	O	T	E	X	R	P	
S	F	I	A	J	F	U	P	G	D	I	L	E	S	L	R		
G	J	Y	P	N	I	O	E	E	A	T	S	B	A	U	Y	J	E
J	U	S	W	A	U	I	O	P	E	E	N	N	B	V	K	T	
I	K	L	S	F	U	I	P	O	D	R	K	E	C	X	A	M	
I	N	A	C	I	O	F	S	A	I	T	U	P	Y	L	T	K	

Painim ol toktok bilong spot Hoki

PULIM BAL	BULI	FRI HIT	GOLI
GOLKIPA	HITAUT	INA	LINKS
OFSAIT	PENALTI	PITS	PUS
STIK	SKUP	TAKOL	SWIPA
WINGA	BEKSTIK	LEK BAL	FLIK
BAL	FOWET	BEKS	KIKINGBEK

5	2															6
9		7													3	8
3	8		5		1	4	2									
4	8	9	7	5												
		3													5	
			4	3	2	6	7									
6	4	2			9										3	1
1	2														5	
7															6	2

1	5	6	7	8	4	2	9	3								
7	9	3	5	2	1	4	8	6								
2	8	4	6	9	3	5	1	7								
9	1	5	8	4	7	6	3	2								
6	3	8	9	5	2	7	4	1								
4	7	2	3	1	6	8	5	9								
3	6	9	4	7	8	1	2	5								
5	4	1	2	6	9	3	7	8								
8	2	7	1	3	5	9	6	4								

Ansa bilong las wik Sudoku

A	B	O	K	S	I	N	G	F		B	E	L	O	P	N	
M										W	A	B		L	R	O
A										E	U	O	R	E	O	K
F	E	T	A	W	E	L				K	A	P	M	I		
R	E	F	E	R	I	K				T	S	U	H	O	M	
T	B	A	N	T	A	M	W	E						W	K	A
U	R	A	I	T	H	U	K								T	F
A																L
K	E	M	I	D	E	L	W	E								P
O	L															O
N	S	P	V	I												W
B	A	U	T	L	N											N
D	R	A	P	A	K											E

Ansa bilong las wik Pasol

5.00AM	G	JOYCE MEYER	Religious Program	9.00PM	G	A CURRENT AFFAIR		2.59PM	STATION OPEN							
5.30AM	G	TODAY		9.30PM	G	SUPER LEAGUE:	Big game, big hits of the English rugby competition	4.57PM	EMTV TOK SAVE							
11.30PM	G	DEPARTMENT OF EDUCATION	CLASSROOM BROADCAST	11.30PM	G	EMTV NEWS REPLAY	AUSTRAILIA NETWORK	5.00PM	G	MILLIONAIRE HOT SEAT						
MANDE, OGAS 15 2011		CLASSROOM BROADCAST	CONTINUES....	12.30PM	G	AUSTRALIA NETWORK		5.30PM	G	CRIME STOPPERS						
5.00AM	G	JOYCE MEYER	Religious Program	1.00 - 1.40PM	G	GRADE 7 MATHEMATICS	9.00 - 9.40AM	10.40 - 10.30AM	G	GRADE 7 SCIENCE	11.20 - 11.15AM	G	GRADE 8 MATHEMATICS	12.30PM	G	A CURRENT AFFAIR
5.30AM	G	TODAY		1.50 - 2.30PM	G	GRADE 6 SCIENCE	9.45 - 10.30AM	10.40 - 11.15AM	G							

KEROT HAVES  
TAIM: Em i haves taim bilong kerot na Randy Nanaks husat i gat wanpela ten wan krismas i amamas na soim ol kerot bilong em. Papa mama bilong em i havestim long boda viles-Ifiuwa long Isten Hailens Provins. Poto: Sape Metta.



## NASFAN welkam long wok painimaut bilong SCITB

BOD bilong Nesenel Su-paenuesen Fan (NASFAN) long dispela wik Tunde i tok olsem ol i welkam long disisen bilong Praim Minista, Peter O'Neil i long makim wanpela Spesel Investigeta (lain bilong mekim wokpainimaut) long lukluk i go insait long dispela SCITB Invesmen.

SCITB i min Soveren Komyuniti Infrastraksa Treseri Bil.

Insait long planti ol ripot we i bin kamap long midia na tu long flua bilong palamen, planti lain i mekim kain kain toktok i go kam oolem i gat asua long sait long SCITB fan em gavman i givim tok-orait na i lukim K125 milien i bin laik go long Kokopo distrik long Is Nu Briten provins long karimaut sampela komyuniti wok.

NASFAN bod i tok planti

krangki tingting na pasin sutim tok we i nogat as i raunim dispela mani mas kamap long pinis bilong en.

NASFAN Bod i tok olsem em i stap strong wantaim ol ligal edvais i kam long ol bikpela loa kampani long kantri na long ovasis tu na independen invesmen edvais insait long disisen em i mekim long invesmen long SCITB bi-hainim Treseri Bil Ekt.

Bod i tok NASFAN i nogat wok o samting long mekim long sait long yusim bilong dispela mani na edministren bilong dispela fan. Dispela wok i stap long han bilong stet o gavman.

NASFAN Bod i mekim disisen wantaim gutpela bel na bod i luk fowat long wok-bung wantaim tim husat bai mekim wok painimaut long pinisim dispela rivi.

## Nupela divelopmen long 'Haus Win' bilong MTS

### James Kila i raitim

WOK DIVELOPMEN long kamapim gut biknem eria ol i kolin 'Haus Win' restauren long Madang Risot Hotel i go het gut tru

Menesing Dairekta bilong Melanesian Turis Sevises (MTS), Sir Peter Barter long stat bilong dispela yia i bin sainim wanpela K2-milien kontrak wantaim Ela Enterprises long wokim dispela eria bilong hotel we planti manmeri bilong ovasis na PNG tu i save go malolo na kaikai na tu harim ol naispela music long

Sir Peter i tokaut olsem dispela nupela "Haus Win" em ol bai wokim wantaim planti samting bilong ol waitman,

tasol ol bikpela diwai pos wantaim ol kaving bai stap yet wantaim ol naispela gaden. Tasol bai i gat tupela bikpela akwarium o glas tenk we bai lukim ol kain kain samting bilong solwara na rif na ol naispela kala fis long ol gest o manmeri long lukim taim ol i go stap long Madang Risot Hotel.

Sir Peter i tokaut tu olsem wanpela ekstensen wok tu i kamap long givim ea-kondisen long rum bilong kibung we bai lukluk i go aut long wanpela Olimpik Pul o ples bilong swim na Dallman Pases we yu ken lukim ol bikpela sip iron arere tasol long rum taim ol i muv i go insait long Madang Haba.

Em i tok olsem wok i bin kamap long stat bilong mun February na bai pinis sampela taim long dispela yia 2011.

Sir Peter i tok olsem long taim konstraksin wok i go het long Haus Win, ol gest i ken go tasol long Janek Aben Restaurant long kisim ol sevis long sait bilong kaikai.

Madang Risot na Kalibobo Viles i amamas long sevim ol gest wantaim 190 rum na ol apatmen, 15-pela kotes, 10-pela taun haus na kampani i save givim tu haus bilong slip long ol wokman bilong en long hotel eria, na i gat elementari skul bilong en is tap na wanpela helt klinik we ol ful-taim tisa na ol nes i wok long hap.

I gat 4-pela pul o ples bilong

swim na waswas, tupela lagun o solwara i kam insait, wanpela marina, wanpela zoo o ples ol gest i ken lukim ol enimol bilong PNG, wanpela Sepik Haus Tambaran na dispela ples i kisim bikpela luk-save na wanpela ogenaisesin ol i kolin Wotif i reitim o givim mak long en olsem namba-2 insait long PNG.

MTS i gat ol pekes o wanem ol gutpela sevises bilong en em ol is tap long web-sait o intanet insait long 7-pela de na 6-pela nait we i karamapim ples bilong slip, brekfas (kaikai long moning), raun lukim ples (tours) o go daiv long solwara na ol gest i kam kam olsem long Sidni, Brisben na Kens long Australia.

## IEA opim nupela OHS trening senta

FEST Eid na Okupesimal Helt na sefti em bikpela samting tru long wok operezen bilong planti ol bikpela na liklik kampani insait long wol. Em i bikpela samting stret long ol ogenaisesen husat i operet long ol ples we i gat birua i stap long en na lain husat i wok wantaim planti ol masin na ol marasin ol kemikol. Ol dispela e mol maining, ges na petroleum operezen insait long PNG.

Long helpim wantaim trening bilong ol PNG wokman meri, IEA Koles bilong TAFE i pim wanpela nupela Senta bilong Okupesimal Helt na Sefti (COHST).

Dispela COHST i ken givim ol gutpela kwaliti trening programe long sait long fest eid na okupesimal helt na sefti i go long bisnis na ol wan wan lain insait long Papua Nugini.

Dispela ol kos i go gut stret wantaim wok long kisim wok na promosenebihan.

# HOLY LAND tours ISRAEL & JORDAN

**PACKAGE INCLUSIONS:** Return airfares Port Moresby to Jordan via Singapore and Colombo, twin share accommodation in Jordan, Israel, Colombo and Singapore, airport transfers, meals where specified, all tours and fees, taxes and surcharges.

### CHECK OUT THESE AMAZING HOLY LAND ATTRACTIONS

- > The Sea of Galilee > Nazareth > Church of St Joseph > Ein Karem
- > The Wailing Wall > Church of the Holy Sepulchre

10 NIGHTS & 11 DAYS  
FROM  
**K9499\***

Call toll free on **180 3444** or contact your nearest Air Niugini Travel Centre or Travel Agent to secure your Holy Land Tour

\* Price based on a minimum of 15 persons. Price is per person and subject to change and availability. Strict conditions apply.





# GIA SIM RAMU NICO PROJEK

"Wampela Ramu Nico, Wampela Komyuniti"



# Ramu NiCo kamapim moa sevis bilong Kurumbukari papagraun

LONG namba 8 de bilong mun Mas, 2011, 30-pela papagraun long Kurumbukari (KBK), insait long Usino-Bundi distrik long Madang provins, we bikpela nikel maining projek i stap long en i bin kisim 30-pela nupela haus-kapa.

Dispela gutpela divelopmen i kamap aninit long wok wanbel bilong relokesen eksesais we graun bilong ol em Ramu NiCo-MCC bai digim nikel.

Dispela em namba wan taim tru bilong ol pipel long silip long kain haus kapa long rurel eria bilong ol. Ol haus ya i gat pawa lait, wara-saplai na ol narapela ol samting i stap insait long en. Pastaim long en, ol pipel i save silip na kirap long haus kunai.

Taim Ramu NiCo i givim ol dispela nupela haus-kapa, kampani i tok klia olsem em i amamas long lukim ol gutpela senis i kamap long laip bilong ol pipel. Kampani i tok tu olsem kain gutpela senis bai i kamap bihain taim main i go insait long wok opesesen na mekim profit o win-moni.

Aninit long Sosel, Ekonomik, Developmen Progrem (SEDP) insait long Memorandum ov Agrimen (MoA), Ramu NiCo i bin mekim sampela komitmen o tok-wanbel long kamapim moa gutpela sevis o infrastraksa developmen

Insait long Pes 2 bilong Ramu NiCo Project, Ramu NiCo-MCC i kamapim pinis opis bilong KBK Lenona Asosesin (LOA), Enekwai Polis Post, Enekwai Sab helt senta na Enekwai prameri skul klasrum. Ramu NiCo i bin wokim pinis Enekwai Wara na pawa saplai we ol papagraun i wok long yusim nau na amamas long en.

Dispela ol sevis em Ramu NiCo-MCC tasol i kamapim aninit long SEDP program bilong kampani na kos bikpela mani. Sab helt senta i kos K95, 040. dabol-klasrum i kos K121, 651. polis pos i kos K95, 040. na LOA opis i kos K95, 040. Ol dispela sevis em gutpela moa na bai kamapim gutpela ples bilong ol wok man na meri long givim gutpla sevis i go long ol pipel na papagraun bilong KBK. Dispela ol kain sevis i no bin stap long bipo. Ol pipel i save wokabaut longwe rot tru long kisim kain sevis olsem. Tude ol bai stap stret long haus dua bilong ol na isi tasol long kisim ol kain sevis olsem.

Dispela sab-senta em i gat 6-pla rum bilong ol nes or wok man long lukim ol sik lain, wampela ofis bilong dokta we ol shift nurse tu bai yusim na wampela stoa rum bilong putim ol medikol saplai. Hausik tu i gat toilet na ples bilong waswas bilong ol



wok man na sik lain.

Polis stesin haus i gat wampela lobi o rum bilong wet na risepsen ples na narapela rum bilong intaviu or rum we ol bai yusim long askim kwesten long ol trabel man. Dispela polis stesin haus tu i gat wampela ples bilong kuk or kitsen na tupela rum bilong ol polis lain long wok long en.

LOA opis em i gat tupela opis rum wantaim wampela bikpela konfrens rum we ol LOA eksekutiv bai kamapim ol miting bilong ol long en.

Dabol-klasrum em bikpela tru wantaim tupela klasrum na opis bilong tisa long namel.

Papagraun Kampani, Raibus Engineering Ltd tasol i wokim ol dispela haus na olgeta i sanap antap long pos. Raibus Engineering Ltd i givim wok I go long lain yet long wokim dispela ol haus na na ino narapela kontrakta.

Kontrak bilong wokim ol dispela ol haus em ol i bin sainim bipo tasol wok stret i bin stat long namel bilong mun Mas long dispela yia na Ramu NiCo-MCC i bin makim 90-pela

de long pinisim olgeta haus.

Tasol Raibus Engineering Ltd i kisim long-pela taim long pinisim ol haus bilong wanem ren antap long KBK i wokim hat long ol samting bilong wokim haus i kamap areap na tu ol narapela logistic supply i kamap leit.

Ol bikpela wok long displa ol opis i pinis na nau ol i wokim ol liklik wok olsem stretim windua, floor na ol narapela na i no klostu taim bai kampani i givim i go long ol papagraun long yusim.

Ol pikinini long KBK or Enekwai husait i no bin go long skul or i wokabaut longwe hap long go long skul bipo bai i kat nupla skul bilong ol nau bihain long Ramu NiCo i kamapim. Ol pikinini bipo i no bin go long skul bilong wanem nogat wampela skul i bin stap klostu.

Ol mama i gat bel, na lapun i sik or pikinini i sik bai nau i gat wampela hausik we Ramu NiCo i wokim. Bipo ol i save kalapim maunten, brukim Ramu wara na wokabaut longwe rot tru. Turangu sampela i save dai

long rot. Nau bai ol i gat wampela hausik bilong ol yet.

Bai i gat polis stesin klostu tu we bai i dau-nim ol kainkain trabel long kamap.

Ol LOA lida bai i gat opis bilong ol yet we ol i ken stap klostu wantaim ol pipel bilong ol na wok bung wantaim ol na kampani long kamapim gutpela work bung wantaim.

Dispela em ol bikpela helpim i go long ol pipel bilong Kurumbukari husat i no bin luk-save long kain sevis taim kantri i bin kisim self gavman na indipendens i kam inap nau. Taim Ramu NiCo i go insait long dispela ples planti senis i kamap na ol sevises i wok long go insait na senisim laip na sindaun bilong ol pipel long ples.

Kain moa sevis i bai kamap sapos main i stat klostu.

**Note:** Ritim gen Nambawan Tok Pisin Niuspepa bilong yu, Wantok Niuspepa long neks wok long save moa long wanem gutpela wok Ramu NiCo i wokim.

## Ramu NiCo redi long givim

Insait long moa long tupela yia, Ramu NiCo i sanapim pinis mali bilian Kina Ramu Nikel Projek, na nau mipela i redi long komisiniem.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wampela kain bikpela projek olsem, na i daunim olgeta

salens bilong graun na masin bilong mekim wok.

**Oi dispela namba i soim klia mak bilong wok mipela i pinisim:**

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wampela Ramu NiCo, Wampela Komyuniti**



# Ol Lida long gavman i no ronim gut Kantri

Sape Metta i raitim

**PLANTI** paul pasin na ol mani mak inap olsem long ol milien i go long ol bilien kina em i paul pinis namel long ol minista na ol lida husat i bin go pas long ronim kantri.

Na dispela ol paul pasin em i no stop na i wok long i go het yet.

Dispela i mekim na ol pipel i wok long kisim taim, olsem na i mas i gat sampela rot em i stap long we mipela bai ken sanap na tok, inap em inap! Na daunim dispela sik nogut korapsen na paul pasin we i wok long kamap long palamen na ol opis long Waigani.

Dispela em sampela strongpela toktok em Byron Chan husat em memba bilong Namatanai long Nu Ailan Provins i bin mekim long taim bilong bikpela bung (Nesenel PPP Konvensen) we i bin kamap long NSI long Goroka, Isten Hailans long wik i go pinis.

Toktok long ol Pipel Progress Pati (PPP) opisal, degeesen na ol kandidet husat bai sanap na resis long 2012 jenerel lleksen, Mista Chan itok, paul pasin na pasin korapsen em i bikpela tru we planti milien na bilien kina bi long ol pipel bilong PNG em i wok long i go lus nabaut na i nogat wan-

pela rekot long dispela ol mani.

"Planti toktok na awenes i kamap pinis long stopim dispela ol pasin tasol nogat, em i wok long kamap bikpela tru. Olsem na PPP i gat bikpela tingting long makim planti ol gutpela kandidet long resis long 2012 nesenel ileksen, winim planti ol vot na kamapim ol namba long palamen na mekim wanpela gutpela kandidet husat bai ken go pas long ronim kantri na bringim sevis i go daun tru long ol lain long gras rut level", Mista Chan itok.

Em itok olsem eitpela (8) krismas em i stap olsem memba long palamen na long lukluk bi long em paul pasin na korapsen long antp level na i kam daun em i bikpela tru. "Dispela ol pasin em bai no inap stop. Na long stopim yumi mas kirap na senisim dispela gavman husat ol i wok long kros na pait nau long pawa i go - i kam. Ol i no tingim turangu Praim Minista Se Michael Somare husat em i sik na ol i kros pait long pawa, we i stap ol gutpela tingting bilong dispela ol Li-daman," Mista Chan i askim.

Se Julius Chan husat i kamapim dispela politikal pati i tok, sapos PNG laik lukim senis long gutpela pasin orait,

ol pipel i mas makim ol gutpela Lida husat bai ken sanap na ronim kantri long gutpela em.

gutpela senis long provins bilong em.

"Sapos mi ken mekim long provinsel level, mekim tu long nesenel level na bai mi ken mekim long trupela pasin na pasin tren-spirensi," em i tok.



Nu Ailan Gavana Se Julius Chan i kisim welkam long ol singsing grup bilong Fani-ufa hauslain long Goroka, long taim Pipols Progres Pati (PPP) bin kamapim Nesenel Konvensen long Nesel Spots Institut long wik i go pinis.



## Em Isi tru long Kisim Fres Prodius Maket Infomesin wantaim ol Digicel Fon

Fres Kaikain	Kod	Yunit
Avokado	AVO	kg
Snek Bin/Frens POM	BEAN	k
Brokoli	BROC	kg
Kabis	CAB	kg
Kerot	CAR	kg
Galik	GAR	Kg
Onion	ONN	Kg
Orens	ORA	Kg
Painapol	PINE	kg
Poteto	POT	kg
Swit Poteto (kaukau)	SPOT	kg

Ol famas na lain bilong baim fres kaikai bai isi tru nau long kisim maket infomesin long ol fres kaikai taim ol i yusim wanpela Digicel mobail fon. Bihainim ol dispela isi rot tasol:

1. Presim na raitim kod bilong fres kaikai na larim wanpela spes i stap
2. Presim na raitim daun variable price, supply or quality (prais, saplai o kwaliti)
3. Presim SEND igo long 4636
4. Wanpela text mesej i soim wanem maket infomesin yu laikim bilong ol 8-pela bikpela maket long PNG

**Variable**

**Price**

**Supply**

**Quality**



**Digicel**  
PNG's Bigger, Better Network



### Mekim gutpela Prodaksin na Maket Disisen long ol frut na fres gaden kaikai bilong yu

Wantaim maket infomesin i stap pinis, em i ken halivim yu long mekim disisen long wanem kaikai bai yu groim long gaden na kisim, hamas long groim, wanem hap long salim, wanem kaikai na ples bai yu baim.

**Long kisim moa infomesin, ringim Help Desk long:**  
7278 4968 / 7262 4097 / 7305 0007 / 7263 5282

**Wanpela gutpela wok helpim em Fres Prodius Developmen Ejensi, Digicel na AusAID i bringim kamap.**

**YAM YA:** Em ol yam, tasol Nehemaiah O'opare na Sly Stallone long poto i bin pret long kukim na kaikai, long wanem ol i lukim olsem dispela ol yam i luk olsem ol snek long taim ol i bin kamau-tim long gaden bilong ol long Kamaliki, ausait tasol long Goroka taun. Poto na Stori: Sape Metta



**REDI:** Sampela ol snuka pilaia husat bai stap insait long SP POMCC hedikep tonamen dispela wiken. Tonamen i kamap klostu long pinis bilong en nau.



**TROMOI HAN:** Kikboksa, David Lembo i trening hat long Mosbi. Ol i wok long redi long sampela ol lokol na intanesenel tonamen we bai kamap dispela yia. POTO: Andrew Molen.




**BUNG:** Las wik Sande i bin bikpela bung bilong olgeta PNG pilaia husat bai go long Pasifik Gems. Ol i bung long Mosbi long luksave long ol yet olsem wanpela tim. POTO: PNGSFOC.



**SOIM:** Ol PNG weitlifa i soim medol bilong ol long amamasim sponza bilong ol, CPL limited las wik Fonde long Mosbi. POTO: Andrew Molen.

**TOKSAVE:** Salim ol spots dro bilong yu kam long Feks; 325 2579, e-mel:[amolen@wantok.com.pg](mailto:amolen@wantok.com.pg) o kam lusim long Wantok Niuspepa opis long Central Waigani, NCD.



I GAT planti kain etletiks resis we ol pilaia i save ron.

Long sampela resis, ol i save ron sotpela hap na long ol arapela, ol i save ron longpela hap.

Ol i save kolim ol sotpela resis olsem ol "sprint" we i min olsem ol pilaia i save ron spit tru long lukim husat bai kamap long pinis mak bipo long ol arapela na win.

Insait long ol resis we ol i save ron longpela hap, em ol pilaia i no save ron spit tumas olsem ol sprinta (sprinter).

Tasol ol dispela pilaia husat i save ron longpela hap, i gat strongpela tingting na i ken ron longpela taim tru bipo ol i stop na malolo.

I gat planti kain resis we ol i save ron longpela hap, planti save kamap insait tasol long bikpela etletiks stadium we ol pilaia i save raunim ples bilong ron inap ol i kisim mak.

Longpela bilong ples bilong ron insait long ol dispela stadium em 400 mita na ol pilaia i save raunim tasol i nap long hamas taim ol i makim long em.

Sapos ol i tok 800 mita resis, em ol bai raunim dispela stadium tupela taim, sapos 1, 500 mita em bai ol i raunim 4-pela taim.

Long sampela resis, ol i save raunim stadium 15 o 29 taim tasol i gat wapelaresis we ol i save ron longwe moa long ol arapela.

Dispela resis i no save kamap insait long stadium, ol pilaia i save ron autsait long bikpela rot.

Ol i save ron longwe tru na kamap long pinis mak we i save stap insait long bikpela stadium.


Dispela resis em marathon (marathon).

Longpela bilong mak bilong marathon resis em i nap long 42.195 kilomita (km).

#### Histri bilong gem

Maraton resis i gat bikpela stori bilong

# Ron tasol



**WIN:** Wapelaresis bilong Kenya i kamap long pinis mak insait long stadium long 2008 Olimpik Gems long Saina.

em.

Nem bilong gem yet "Marathon" i kam long tumbuna stori bilong wapelaresis man bilong Gris (Greece) long Yurop, nem bilong dispela man em Pheidippides (Fidipidis).

Em i man bilong kisim toksave na i bin ron long ples "Marathon" i go long ples Athens long toksave olsem ol ami bilong Persia i lus long bikpela pait bilong ples Marathon (Battle of Marathon) long Ogas o Septemba long yia 490 BC (bipo long mama i karim Jisas Krais), we Pheidippides yet i bin pait insait long en tu.

Stori go olsem, Pheidippides i ron tasol na i no bin stop i nap em i kamap long Athens na i tok "mipela i win," na bihain em i pudaun na i dai.

Tete, ol i bihainim rot we Pheidippides i bin ron, na i mekim rot bihain dispela hap namel long ples Marathon na Athens we em i bin ron.

Mak na longpela bilong ron bilong Pheidippides em i wankain long mak ol pilaia i save ron long en tete long

Olimpik Gems.

Dispela resis i bin kamap long Olimpik Gem taim em i bin kamap namba wan taim tru long 1896.

Man husat i winim namba wan Marathon resis tru long Olimpiks em Spiridon "Spiros" Louis bilong Gris long April 10, 1896 long Athens.

Taim bilong em long dispela resis i bin 2 hawa 58 minit na 50 sekens (2:58:50).

Marathon bilong ol meri bin kamap insait long Olimpiks long 1984 long Los Angeles long Amerika we Joan Benoit i bin winim insait long 2:24:52.

Em i kamap olsem wapelaresis bilong Olimpiks we marathon resis bilong ol man em i save laspela etletiks pilai long kamap olgeta taim.

#### Marathon long PNG

I nogat wapelaresis gutpela marathon resis i save kamap long PNG tasol i save gat ol arapela longpela resis olsem 1, 500 na 3, 000 mita resis we i save kamap.

Wapelaresis bilong

PNG tasol long nau em Sapolai Yao bilong Isten Hailans provins husat i save ron long ol Olimpiks na tu planti arapela resis olsem long Pasifik na long wol.

#### Stail bilong pilai.

Marathon em i wanpela strongpela gem we ol pilaia bilong en i mas redigut.

Ol i mas kisim planti trening long ron bai lek na bodi bilong ol i save long ron longpela rot bai ol i noken tait hariap.

Trening bilong ol i mas strong bodi na tingting bilong ol na tu helpim ol long noken sotwin hariap.

Planti manmeri tru long wol i save kisim bagarap namel long resis na i no save pinis gem bilong ol.

Sampela i save sot na ai raun na i pundaun na sampela i save kisim bagarap tasol long lek bilong ol taim ol masol bilong ol i tait.

Planti bilong ol lain husat i save pilaim dispela gem i nogat planti skin long bodi bilong ol.

Dispela em wanem ol lain husat i gat bikpela bodi bai hevi long ron na i no i nap long ron longwe o spit tumas.

Wapelaresis we i save kamapim planti sempion bilong dispela resis em Afrika.

Ol manmeri long dispela ples i save gut tru long ron longpela rot bilong wanem ol i save mekim dispela taim ol i liklik yet long ples bilong ol na bodi bilong ol i lainim pinis.

Em i olsem laip bilong ol, olsem na taim ol i go insait long dispela gem, ol i no save painim hat tumas bihain long ol i kisim sampela moa trening long helpim na strongim ol moa yet.

Long pilai dispela gem, yum as ron tasol na noken stop inap yu kamap long pinis mak.

Ol yu mas werim gutpela su bilong ron, karamap bilong het na ai long san, na kolos we bodi bilong yu i ken kisim win taim yu ron.

I save gat wara i stap namel long rot we ol pilaia i ken kisim na dring taim ol i ron yet.

PNG gat sans long kamap strong long dispela spot tu sapos planti moa manmeri go insait long en.

Yao i soim olsem, ol PNG manmeri tu i ken resis long marathon long olgeta hap long wol sapos ol i kisim gutpela trening na i mekim gut long ol resis bilong ol insait long Pasifik Gems, Komonwelt na Olimpik Gems tu.



**RON:** Sampela man i ron long wapelaresis.



**BIHAIN ROT:** Maraton resis i no save kamap insait long stadium.

# Ol pilai tingim Lockyer

DARREN Lockyer bai pilaim 350 NRL gem bilong em dispela Fraide taim ol Broncos i bungim Cowboys long Dairy Farmers stadium long Townsville.

Dispela bai wapelai bikpela gem bilong Lockyer husat ol i tok, em i nambawan pilai olgeta long pilaim dispela gem.

Lockyer bai pinis pilai long pinis bilong dispela yia we bai lukim em i pilai planti moa gem long ol arapela biknem pilai.

Dispela wik, bipo long ol raun 23, NRL.com, we i save raitim ol nius stori bilong NRL, i makim dispela wik olsem "Lockyer week" na ol bai kamapim ol stori long lukluk bek long laip na gem bilong dispela sampion pilai.

Long statim dispela, ol kepten bilong ol arapela tim i tok amamas na givim luksave long Lockyer olsem wapelai nambawan pilai long gem bilong ol.

"Bikpela amamas i go long yu, Darren, long 350 gem bilong yu.

"Em i bikpela samting na mi save yu bai amamas tru long dispela," Ben Hornby bilong Dragons i tok.

"Darren, em i wapelai pilai we olgeta sapota bai sori long lukim em i no pilai moa taim em i hangamapim su bilong em long pinis bilong dispela yia," em i tok.

Alan Tongue bilong Raiders i tok, Lockyer em i wapelai nambawan na biknem pilai tru bilong dispela gem.

"Yu ken kisim olgeta biknem na luksave bilong wanem yu wapelai sampion pilai tru husat i winim olgeta mak na level bilong gem," Tongue i tok.

"Bikpela amamas long yu kisim mak olsem man husat i pilaim moa gem long olgeta," em i tok.

Simon Mannering bilong Warriors, i tok, i nogat planti man em i pilai wantaim, i wankain o i abrusim mak



**NAMBawan:** Lockyer bai pilaim 350 gem bilong em dispela Fraide.

bilong kain pilai olsem Lockyer.

"Mi laki long pilai wantaim na agensim sampela ol nambawan pilai bilong gem tasol i nogat wapelai olsem Darren.

"I gat planti samting em i mekim we bai yu laikim tasol mi yet i save laikim pasin bilong em long gem olsem pilai na man insait na autsait long pilai graun," Mannering i tok.

Kurt Gidley bilong Knights i tok, em i gutpela long kain mak bilong 350 gems i kamap long Lockyer.

"I gutpela long dispela i kamap long em bai em i ken kisim gutpela respek na luksave we i mas go long em stret olsem wapelai nambawan pilai," em i tok.

"Mi amamas long pilai wantaim yu long intanesenel level na mi amamas tu sapos mi helpim yu long gem bilong yu long sampela kain liklik we," Gidley i tok.

Cameron Smith, bilong Storm, i tok, taim em i liklik, em i save laikim Lockyer.

"Em i wapelai gutpela pilai long-pela taim tru na long pilai gut olsem planti yia tru em mi ting i mekim em

i wapelai nambawan pilai tru," Smith i tok.

"Mi amamas long save gut long Darren insait na autsait long pilai graun, em i wapelai gutpela lida na mi lainim planti samting long em tu," Smith i tok.

Wanpilai bilong Smith long Storm, Billy Slater, i tok, em i luksave long hatwok bilong Lockyer taim ol i save pilai wantaim long Stet ov Orijin na Australia tim.

"Em i pilai 17 yia long dispela level long tupela kain posisen na i kisim tu planti bagarap long bodi bilong em tasol em i pilai strong yet.

"Dispela i soim tru strongpela tingting na pasin bilong em long gem," Slater i tok.

Johnathan Thurston bilong Cowboys i tok, em i gat bikpela respek long Lockyer na i amamas long pilai wantaim em long Queensland na Australia na agensim em long klap level.

"Pasin bilong em olsem wapelai lida i save strongim mi olgeta taim.

"I nogat tok olsem gem i kamap gutpela bilong wanem em i stap insait long en longpela taim tru olsem wapelai nambawan pilai bilong en," Thurston i tok.

"Em i bikpela amamas bilong mi long pilai wantaim em long Kangaroos na agensim em bilong Sharks na NSW," Paul Gallen bilong Sharks i tok.

Nathan Hindmarsh bilong Eels, i tok, em i nambawan pilai na em i nambawan pilai insait long tim tu.

"Mi gat planti gutpela memori long pilai wantaim Locky bilong Australia, na wapelai long ol dispela em lidasip bilong em," Hindmarsh i tok.

"Em i wapelai gutpela pesman bilong gem na mi tok amamas long em long dispela gem na long ol arapela gem long dispela sisen," em i tok.



## NRL Dro Glory Bound Raun 23

Fraide, Ogas 12



Cowboys Vs Broncos  
Dairy Farm



Panthers Vs Tigers  
Penrith Stadium



Sarare, Ogas 13



Warriors Vs Knights  
Mt Smart



Eels Vs Eagles  
Parramatta Stadium



Titans Vs Storm  
Skilled Park



Sande, Ogas 14



Raiders Vs Rabbitohs  
Canberra Stadium



Dragons Vs Roosters  
WIN Stadium



Mande, Ogas 15



Sharks Vs Bulldogs  
ANZ Stadium



## NRL Poins ledih bihain long Raun 22

Pos	Club	P	Pts	W	D	L	B	F	A	+
1	Storm	20	38	17	0	3	2	461	228	233
2	Eagles	20	34	15	0	5	2	458	273	185
3	Broncos	20	32	14	0	6	2	411	330	81
4	Cowboys	20	30	13	0	7	2	458	382	76
5	Dragons	20	29	12	1	7	2	407	279	128
6	Warriors	20	26	11	0	9	2	418	337	81
7	Knights	20	26	11	0	9	2	398	341	57
8	WTigers	20	26	11	0	9	2	387	368	19
9	Rabbitohs	20	22	9	0	11	2	424	458	-34
10	Bulldogs	20	22	9	0	11	2	346	406	-60
11	Panthers	20	20	8	0	12	2	369	409	-40
12	Sharks	20	18	7	0	13	2	349	444	-95
13	Roosters	20	16	6	0	14	2	308	443	-135
14	Raiders	20	16	6	0	14	2	347	495	-148
15	Eels	20	15	5	1	14	2	309	456	-147
16	Titans	20	14	5	0	15	2	299	500	-201

## Preston pinis Souths bagarapim Eels

PRESTON Campbell em narapela biknem NRL pilai husat i tokaut olsem em tu bai pinis pilai long pinis bilong dispela sisen.

Campbell i bin senism tingting bilong em long stap bek wanpela moa yia na helpim ol Titans i kam bek strong long 2012 bipo em i pinis tasol las wika em i senism tingting bilong em gen na i tok dispela bai laspela yia bilong em long pilai.

Dispela em i namba 14 yia bilong em long pilai bihain long em i stat wantaim olpela NRL tim, Gold Coast Chargers, long 1998.

Campbell i pilai 262 NRL gem pinis, 98 bi-



**SENISM TINGTING:** Campbell i senism tingting gen na bai pinis dispela yia.

long dispela em wantaim Titans we em i stap nau.

Bipo long Titans, em i bin pilai wantaim ol Panthers.



**MASIN BILONG TRAI:** Merritt i putim 5-pela trai.

tupela trai.

Souths nau i sot long 4-pela poin tasol long go insait long Top 8, long gat sans long resis insait long fainol dispela yia.

Dispela wik bai ol i bungim Raiders tasol bihain bai ol i go long North Queensland, Brisbane na Newcastle, we ol i mas win bipo long fainol.



## Planti no lukim yet gutpela bilong spots

SPOTS i kamap wanpela samting we olgeta komyuniti long kantri save pas long en taim ol i nogat narapela samting long mekim o taim ol i laik bung, tasol i no olgeta i luksave long ol gutpela samting em i nap long kamapim long ol.

Planti ol arapela hevi long komyuniti save abrusim strong na wok tru bilong en.

Olgeta spotsmameri long kantri i gat bilip olsem spots i gat ol gutpela samting we i save helpim gut ol manmeri husat i pas gut long en.

Dispela i ken tru bilong wanem em i helpim sampela i senisim tingting na pasin bilong ol na i gutpela long developmen bilong wanwan manmeri.

Sapos yu lukluk long ol komyuniti insait long kantri, mi sore long tok olsem ol i no save yusim gut spots long helpim long daunim ol arapela hevi insait long sosaieti.

Bai mi givim yu sampela piksa long wanem gutpela spots i ken kamapim insait long komyuniti sapos yu kamapim na ronim gut o go long wanpela spots tonamen.

Yu save lukim olsem, bihain long tonamen i pinis, olgeta samting tu i save pinis na ol wok bai stat gen long daunblo na i kam antap.

Dispela i min olsem dispela tonamen i no bin mekim planti gutpela samting long wanwan husat i kamap long en.

Planti taim tru, yumi save lukim ol yangpela pilaia bilong yumi go dring na spak bihain tasol long ol pilai pinis.

Dispela em wanpela long ol kain hevi o pasin we i save kamap yet taim yumi no yusim gut spots long daunim o stopim olgeta.

Taim yu lukim dispela kain ol pasin i kamap, yu ken askim yu yet olsem, spots i mekim wanem long stopim o daunim dispela kain hevi?

Taim ol man i toktok long yu olsem spots em i wanpela samting we yu ken yusim long sait bilong komyuniti developmen, em ol i min wanem tru long dispela?

Bai yumi yusim spots olsem wanem tru long daunim dispela ol hevi insait long komyuniti?

Mi raitim long hia planti taim tru long wanem kain ol rot, spots i ken helpim na mi ken tok gen nau olsem, yes, spots i ken helpim long daunim ol dispela hevi.

Spots i ken helpim long developmen bilong komyuniti sapos yu yusim gut wantaim ol gutpela risos na samting bilong mekim wok.

Spots em i no bilong pilai na amamas tasol insait long pilai graun, em i moa long dispela.

Wok bilong lukautim na stretim wanwan manmeri insait long spots em i bikpela wok tasol yu bai lukim kaikai bilong dispela hatwok i kamap sapos yu mini tru na i givim gutpela taim na risos long mekim.

Ol spots klap na asosiesen i mas opim ol membasis bilong ol i go long olgeta manmeri long komyuniti.

Dispela bai pulim ol bikpela manmeri tu long kam insait na helpim long ronim klap.

Em bai mekim ol i givim han long helpim long lukautim na stretim ol yangpela memba bilong klap.

Sapos planti moa yangpela manmeri kam long klap o asosiesen, em bai ol tu i ken kisim stia long dispela ol bikmanmeri husat i go pas long ronim klap.

Wankain bai kamap long wanem kain ol kompetisen ol i laik kamapim.

Dispela kain wok na pasin bai stap olgeta taim na ol lapun i ken givim i go long ol yangpela olgeta yia.

Ol pikinini bilong yumi mas gro i go insait long dispela kain laip na wankain i mas kamap long ol pikinini bilong ol na i go moa yet.

Ol dispela bikmanmeri o sinia i mas toktok long ol gutpela pasin na tingting bilong spots na wanem ol gutpela samting i ken kamap long ol sapos ol i harim tok na bihainim wantaim respek na ona.

Mi save tok olsem, dispela em i gat wankain astingting olsem sios, we ol i laik traime long senisim ol manmeri long kamap gutpela insait long komyuniti wantaim helpim bilong spots.

Spots em i kamap samting nating na i nogat as bilong en taim yumi yusim tasol long kisim biknem na amamas bilong yumi wanwan yet.

Taim yumi mekim dispela, em bai nogat planti gutpela samting i kamap na tu i nogat planti amamas long en.

# Kumuls nogat kosa

Andrew Molen i raitim

NESENEL ragbi lig tim bilong Papua Niugini, ol Kumuls, i nogat kosa long nau yet.

Dispela i mekim na Papua New Guinea Rugby Football League (PNGRFL), i singaut long ol save-man bilong dispela wok long givim nem bilong ol.

Bipo kosa, Adrian Lam i gat planti wok wantaim klap bilong em long NRL na bai no inap long kisim dispela wok gen tasol Richard Wagambie, Michael Marum na Stanley Gene em narapela tripela PNGRFL i lukluk long ol.

Siaman bilong PNGRFL, John Numapo, i tok las wik olsem ol i no makim wanpela man yet long dispela wok tasol ol bai putim tok-save long niuspepa bilong olgeta savemanmeri long traime

Laspela kosa bilong ol Kumuls i

bin Gene, husat i kisim ol i go long 4 Nesens salens long Australia na Nu Silan tasol tim i no bin mekim gut tumas.

I bin hevi kamap insait long ol ofisol bilong PNGRFL we i lukim Lam i lusim wok bilong em olsem kosa na Gene i kisim ples.

Lam i bin kamapim na developim gutpela tim we em i kisim i go long wol kap long Australia long 2008 we ol i lus tasol i soim strongpela gem tru.

Long 2009 em i kisim ol i go winim Pasifik kap salens wantaim ol gutpela win agensim Tonga, Cook Ailans na Fiji.

Em i bin redim ol dispela pilaia long kisim ol i go gen long 4 Nesens kap long 2010 tasol i lusim wok bilong em bihain long em i no amamas long ol hevi kamap namel long ol bikman bilong PNGRFL.

Hevi bilong PNGRFL i stret nau na ol i laik kamapim na strongim tim gen tasol i no luk olsem Lam bai kam bek bilong wanem em bai bisi wantaim NRL klap bilong em.

I gat ol arapela wok tu i stap olsem asisten kosa, trena na tim menesa i stap we PNGRFL i laik bai ol gutpela savemanmeri bilong dispela wok i mas kisim.

PNGRFL i gat sampela ol intanesenel gem we bai kamap dispela yia na ol i laik bai tim i gat dispela ol man i stap long lukautim ol pilaia bipo long ol i go pilai.

Wanpela long dispela em Praim Ministas 13 gem long mun i kam na tu wanpela tes gem agensim Fiji Batis long Fiji long Oktoba.

Olgeta savemanmeri husat i laik putim nem long dispela ol wok i mas salim ol pepa bilong ol i go long PNGRFL bipo long tumor, Fraide Ogas 12, 2011.

## NGCB rausim hevi bilong ol etlit

Andrew Molen i raitim

WANPELA bikpela hevi bilong ol etlit na ofisol husat bai go long Pasifik Gems long pinis bilong mun em levi fi, tasol dispela hevi em i pinis nau.

National Gaming and Control Board, long las wik Fraide, i givim K684, 000 i go long PNG tim long baim levi fi bilong olgeta pilai na ofisols husat bai go .

"Mipela i save olsem dispela em i wanpela hevi we planti ol pilai save bungim na mipela i laik helpim ol bai ol i noken tingting tumas long en taim ol i go pilai," Sif Ekskyutiv Opisa bilong NGCB, Simon Sanagke i tok.

"Nau ol i ken tingting tasol long trening na pilai



**PRESEN:** Dispela helpim bilong NGCB bai strongim ol etlit. POTO: Andrew Molen.

bilong ol bai ol i ken mekim gut," Sanagke i tok.

Chef de Mission bilong tim, Tamzin Wardley, i tok, dispela em i bikpela helpim tru bilong tim we olgeta pilai na ofisol bai amamas tru long en.

"Baset bilong salim tim

em K4.4 milien, antap long en, wanwan etlit i ma baim K2, 000 levi fi long lukautim wokabaut na stap bilong ol i go long Nu Kaledonia.

"Dispela em i bikpela helpim, dispela levi fi mani save go long baim yunifom na tu lukautim i tok.

stap bilong ol pilaia long gem, olsem na taim yu lukim ol i werim dispela yunifom, yu ken amamas olsem mani bilong yu i helpim long baim," Wardley i tok.

Mausmeri bilong ol etlit, Mona-Lisa Leka, i tok, em i no isi long olgeta etlit long painim kain mani olsem bilong wanem i no olgeta i wok o i stap long gutpela hap.

"Ol i save traime hat tru long kamapim dispela kain mani mak long baim levi fi bilong ol tasol bai ol i ken i go pilai.

"Mipela i amamas tru long dispela bilong wanem em bai givim sans nau long olgeta yet long go pilai makim kantri bilong ol na traime long winim medol," Leka i tok.

## AFL PNG lusim wanpela sinia pilaia

OSI Rules futbol (AFL) long Papua Niugini, nau i wok long sore long dai bilong wanpela sinia pilaia na gutpela wokman bilong ol.

Peter Meli, bilong Wes Nu Briten provins, i dai las wik Sarere long Mosbi bihain long ol raskol i kilim em.

Meli bin wanpela nambawan pilaia bilong gem husat i gat gutpela sais na strongpela bodi we i mekim e mi save pilaim gem gut tru long olgeta posisen, na i

wanpela gutpela man long kikim bal tu.

Em i wok olsem menesa bilong PNG Mosquitos, nesenel tim bilong PNG, i nap long dai bilong em.

Meli pilai planti yia bilong University Bulldogs na i makim PNG tu bipo long e mi tanim na wok long lukautim na helpim ol yangpela pilaia.

AFL PNG gat bikpela wari tru long lusim wanpela gutpela memba bilong ol.



**LUS OLGETA:** Meli (raithan) wantaim narapela sinia pilaia, Ekonina Peni, bihain long 2002 gren fainol long Mosbi. POTO: AFL PNG.




Wan wik: Fonde, 0gas 11 - 17, 2011.

## DIANA

Now Bigger at 425g

- ✓ Wankain Teist
- ✓ Wankain Prais
- ✓ Plenti Mit



Proudly  
PNG MADE  
Manufactured by  
RD Tuna Cannery Limited



Niupela  
piksa tasol  
wankain  
mit



## PNG kala

Pasifik  
Gems  
yunifom  
i redi

PAPUA Niugini tim i tokaut long yunifom ol bai werim i go long Pasifik Gems long Nu Kaledonia long pinis bilong dispela mun.

Tim i soim dispela ol yunifom long wanpela bung bilong ol las wik Sande long Mosbi we olgeta pilaia na ofisol i kamap long en.

Dispela nupela yunifom i red wantaim yelo na bilak makmak long solda na sait bilong han bilong siot.

I gat bilak laplap, su, kep na trausis tu.



POTO: PNGSFOC.

KALA: Sampela ol PNG  
etlit i soim ofisol tim  
yunifom bilong PNG tim  
we ol bai werim long Pasifik  
Gems dispela yia.

INSAIT: Ol pilaia tingim Lockyer - Pes 26. | Kumuls nogat kosa - Pes 27.



NISSAN NAVARA D22  
2WD/4WD Single Cab Utility

DRIVE AWAY



**BOROKO**  
**MOTORS**

PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

2 Wheel Drive 2.7 Litre Diesel

4 Wheel Drive 3.2 Litre Diesel

Email: info@borokomotors.com.pg  
Website: www.boroko-motors.com

